

# HORTI MALABARICI PARS SEXTA, DE VARIIS GENERIS ARBORIBUS ET FRUTICIBUS SILIQUOSIS

*Latinis, Malabaricis, Arabicis, Brachmanum characteribus nominibusque expressis,*

Adjecta Florum, Fructuum, Seminumque nativæ magnitudinis vera delineatione,  
colorum viriumque accurata descriptione,

*A D O R N A T A*

*Per Nobilissimum ac Generosissimum D.D.*

HENRICUM VAN RHEDE TOT DRAAKESTEIN,

Toparcham in Mydrecht, quondam Malabarici Regni Gubernatorem supremi Confessus apud  
Indos Belgas Senatorem Extraordinarium, nunc vero Equestris Ordinis nomine Illustribus ac  
Præpotentibus Provinciæ Ultrajectinæ Proceribus adscriptum,

ET

THEODORUM JANSON. AB ALMELOVEEN, M.D.

*Notis adauxit, & Commentariis illustravit*

JOANNES COMMELINUS.



*Mo. Bot. Garden.*

1893

AMSTELÆDAMI.

Sumptibus Viduæ JOANNIS van SOMEREN, Hæredum JOANNIS van  
DYCK, HENRICI & Viduæ THEODORI BOOM,

Anno cId Idc Lxxxvi.

ILLUSTRISSIMO ac NOBILISSIMO

V I R O

DN. WILHELMO DE NASSAU

LIBERO BARONI DE SULESTEIN, LEERSUM &c. PRÆPOTENTIBUS REIP. TRAJECTINÆ ORDINIBUS EQUESTRIS DIGNITATIS ADSCRIPTO, PRÆFECTO ALÆ, COMITI SALTUUM TRAJECTINI AGRI UT ET AGGERUM LECCÆ SUPERIORIS CURATORI.



*Non miraberis tomum sextum Horti Malabarici Tibi à me offerri. Nam cum me dudum Tibi devinxisset & societas collegii Præpotentium Ordinum hujus Trajectinæ reipublicæ, & interior amicitia, quæ inter nos intercedit, hoc ejus monumentum publice consecrandum existimavi. Veræ enim & non fucatæ benevolentia certissimum argumentum duco, non modo præsentis amicos colere, sed & absentes longeque remotos omni studii & officii genere prosequi. Itaque licet nunc ad extremos Indos, ultra solis lunæque vias publicæ rei nomine sim ablegatus, volui tamen istud mei in Te propensissimi animi documentum, & quasi tesseram perpetui mei in Te amoris, Tibi tradi, & simul ad posteritatis memoriam prodi. Nec spero hoc donum Tibi ingratum futurum. Nam licet inter alia reipublicæ præclara munera saltuum publicorum cu-*

# DEDICATIO.

*ra Tibi sit commissâ, hortos tamen, oblectamenta  
virorum illustrium, Tu, qui ad omnem elegantiam  
es factus, non potes non amare, & peregrinarum  
ac in Europa nondum visarum arborum pulchritu-  
dine oculos pascere. Vale, Vir Illustrissime, & per-  
suasum habe, me Tui memoriam & amorem ubi-  
que gentium & locorum circumferre, idque sem-  
per, me, quandocunque dabitur facultas, testa-  
tum facturum, me esse*

Nobilissimo & Illustrissimo  
Nomini Tuo

deditissimum & obser-  
vantissimum.

HENRICUS VAN RHEDE  
TOT DRAAKESTEIN.

THEO-

# THEODORUS JANSONIUS

A B

A L M E L O V E E N

L E C T O R I

B E N I V O L O

S.



Uemadmodum majoris molis ædificia sæpissime, antequam absolvuntur, plures habent architectos, sic etiam libros, præsertim si pluribus constant partibus, varios suos subire videmus *ἐργοδιώκτας*. Exemplum satis evidens atque magnum præbet hortus hicce Malabaricus, qui quo hætenus invenerit directores, ex cujusque voluminis colligere est præfatione, qua quidem nos lubenter supersedissemus, nisi mos, qui hodie obtinet, id exegisset, quem sequuturi paucis nostra complectemur. Nosti P. L. ex præfatione Viri Clarissimi D. *Joannis Munnicks* M. D. *Anatomes ac Botanices* in Academia Ultrajectina Professoris, Præceptoris quondam honorandi, ipsum ita obrui curis tam Academicis quam practicis, ut binis voluminibus per singulos annos absolvendis non sit; propterea typographos hujusce moræ pertæsos alium cui hoc mandarent negotium ex

Pars VI.

\* \*

volun-



# AD LECTOREM.

voluntate & suafu ejusdem cl. Viri investigasse. Quid multa? adeunt ad me, & obnixè vellem iis auxilio esse rogant, quod primum renuo, deinde tamen maximis idem poscentibus viris in me suscipio, periculum quid in hisce valeam studiis hoc volumine factururus, in quo si quædam à prioribus multum deprehenderis abeuntia, rogo boni consulas, verbis enim loquendique formulis, non ex recentioribus modo, sed veteribus Rei Rusticæ scriptoribus, maxime autem Columella, quem à principibus doctrinæ viris, Menagio nempe & Grævio emendatum videre speramus & illustratum, Plinio, Appuleio aliisque ex auctoribus excerptis tunc præcipue sumus usi, ubi significantius quid foret exprimendum. De ipsa plantarum descriptione hoc addimus, quod indies sit evasura perfectior si quidem in horto Medicorum publico, qui benigna Nobilissimi Amplissimique Senatus urbis Amstelædamensis liberalitate ante biennium constitutus est, descriptiones quæ ex India sunt allatæ, una cum ipsis plantis, ad maximam saltem partem conferri queant, quod multum adjumenti ornamentique huic allaturum est operi. Et ut hoc laudabile institutum eo procedat melius, hujusce horti publici cura non modo viro celeberrimo *D. Joanni Commelino* senatori est demandata; verum ipse Amplissimus Nobilissimusque *D. Joannes Huyde-*

# AD LECTOREM.

*Huydecoper*, Toparcha in *Maarssveen* & *Neerdyk* &c. Eques, quintum hoc tempore consul, Vir ob innumeracum in communem Patriam & Rempublicam, tum civitatem Amstelædamsensem merita summo honore celebrandus, qui ipsorum quoque Regum *Ussæ*, *Jubæ*, *Alexandri Magni*, *Melampi*, *Alcinoi*, Imperatorum *Ælii Adriani*, *Theodosii*, exemplo ductus, lubentissime eam quoque curam pro incredibili in studium Botanicum amore in Se recepit, atque illam tam sagacem præstat, ut jure hæsites, utrum mirere prius, incredibilemne Viri summi diligentiae contentionem, an in sparta illa ornanda multiplicem eruditionem. Sed audire mihi videor quosdam quæsituros quare & nos hoc anno promissis voluminibus non fecerimus fatis; At illi hoc sibi responsum putent, ne intra anni quidem spatium hunc tomum ferre fuisse absolvendum, quandoquidem Nobilissimus *D. de Rhede* qui iter Indicum repetit triennale, nobis tria tantummodo reliquit volumina ab ipso recensita, cetera ad patrios reversus lares perfecturus. Si vero, quod avertat Deus T. O. M. in itinere Ei quid acciderit humanitus, vocis tamen fidem dante Deo exhibere enitemur.

I N  
HORTI MALABARICI

Partem Sextam,

Auspiciis

VIRI ILLUSTRIS

D. HENRICI VAN RHEDE TOT DRAAKESTEIN, &c.

à V. Cl.

THEODORO JANSONIO AB ALMELOVEEN,

Doctore Medico celeberrimo,

publicatam.

**P**Endula jam sileat Babylon pomaria, cedat  
Enna sinu florum versicolore parens.  
Et Tempe taceant, celebres & Tiburis horti,  
Et Corcyraei rura beata soli.

Nobilis hic RHEDI mansurum condidit Hortum

Dextra, cui Tempus nec Jovis arma nocent :

Quo, quod Memnoniis pia Tellus educat arvis,

Europa sat prosperiore patet.

Adjuvare tamen culturam, Hortumque rigarunt

Phæbo docta cohors officiosa suo :

Quos inter multa cum sedulitate notatur

ALMELOVENIADIS cura benigna mei.

At vos Aurora populi, pro munere tanto,

Florea gratanti plectiteserta manu.

Vittrices cingant, RHEDI, tua tempora palma,

Et grata Eoi Te colat unda maris;

Te vero celebrent radiosacubilia Phæbi

Insignem doctas, ALMELOVENE, comas.

Dum semper florens labor hic per secla virebit,


Dum Phæbus solitas itque reditque vias.

L. M. P.

HENR. CHR. HENNINIUS.



*Tsjetti-Mandarin Lat.*  
ဝဲသုတေသန. *Kal.*  
جَهْدِي نَادِيَارِم *Arab.*





P A R S S E X T A  
H O R T I  
M A L A B A R I C I  
D E  
V A R I I G E N E R I S  
A R B O R I B U S & F R U T I C I B U S  
P R Æ C I P U E  
S I L I Q U O S I S.  
*T S E T T I - M A N D A R U M.*

T A B. I.



Uam Malabarenſes *Tſetti-Mandarum*, Bra-  
gmanes *Tſiettia*, Luſitani *Foula de Pavan* ap-  
pellare conſuevere, Belgæ *Paawwen ſtaarten*  
nominant, arbor duos homines procerâ, li-  
gno præduro eſt, ramis in orbem di-  
ſperſis, cortice albicante intus purpureo,  
qualis & radicem circumvoluit. *Rami* glabri, virides, cæ-  
ruleo conſperſi rore, exalbidam habent medullam. *Folia*  
quæ Coluteæ Scorpioidis effigiem habent, oblonga, te-  
nuia, lenia, venoſa, guſtu ſubacria, ſurculis palmam  
longis, qui è cubitalibus enaſcuntur, bina oppoſita inſi-  
ſtunt. E gemmis ab uno latere folio obteſtis, *Flores* viſui ob  
variegatum abſtandientes colorem, in racemorum cacu-  
mine petiolis elongis prodeunt decaphylli, quorum

Pars VI.

A

exter-

externorum unum concavum & incurvatum, quatuor similia è longo rotunda sunt: interna vero expansa & latiora quatuor retrorsum detorquentur, existentibus illis internis croceis, externis flavis; quantum ejusdem coloris paullo magis erectum, suprema parte in se ipsum quodammodo veluti unguis, convolutum, procurvum prodit. Decem stamina coloris coccinei nitentis prælonga & tenuia, rubris apicibus donata, arcuatim incurvescunt, in gemmis sibi invicem instrata. Quod si diutius aperti maneant flores, circa oras ubi primum flavebant, rubescunt, quin imo universi rubore asperguntur. Odor ipsis melleus. *Siliqua* quæ nisi latiores forent *Tsiapangam* possent videri, è spadiceo nitentes, longitudine & latitudine digitales, nostratum similes, cuspidè in acumine donantur: virides cœruleo rore madidæ, siccæ duro, crasso, croceo, intus helveolo cortice obteguntur, fabas intersepimentis à se mutuo distinctas, cortice subtilissime striato continentes. Frequens hæc arbor est in *Repolm*, *Paroe* aliisque regionibus; in hortis atque cœmeteriis ethnicorum, qui ea utuntur, præcipue colitur. Cæterum crescit in eremis & fruticetis. Est *Tsiapangam* mox describenda sylvestris. Maio, Augusto floribus, Decembri & Januario maturis simul & crudis fructibus, semper virentibus frondibus exhilaratur. Foliorum una cum *Scedangu* foliis tinctura, quantum cucurbitula minuscula (*Tsiundenga* appellant) capit, epota, colicum tollit dolorem, præsertim si æger manibus in cœlum protensis erecto consistat corpore.

## T A B. I.


Arborem hanc pluribus describit Jacobus Breynius *Cent. 1. Exotic. cap. xxii.* sub nomine *Fruticis Pavonii* sive *Cristæ Pavonis* quo loco duas minores recenset species, quarum altera *Chamae Crista Pavonia Brasiliensis siliqua singulari*, altera *Chamae Crista Pavonia siliqua multiplici* dicitur. Semen hujus *Tjetti-Mandarum* seu fruticis Pavo-

nice Acaciæ Indicæ Farnesianæ Aldini haud dissimile est, quapropter secundæ Acaciæ speciei annumerari potest. Anno 1696 c. lxxxiv. in horto Amstelædamensi Medico varias harum arborum è semine prognatas vidimus species; reperiturque in variis Indiæ Occidentalis locis.



*Tsjam Pingam* Lat.  
ਲੁਭੀ ੬੩. Mal.

*Tsja Pingam* Bra.  
ਸਰਸਪਤੀ Arab.



## TSIAPANGAM.

## TAB. II.



Rboris *Tsiapangam* Malabarenfibus ut & Brachmis, *Pao de Sapan* Lufitanis, *Rafphout*, *Sappanhout* Belgis dictæ, intra binorum hominum altitudinem proceritas, intra palmam crassities subsistit. Cortice est cinereo intus fulvo, ligno admodum duro, rubello, matura ætate ruffo; *Ramis* in latera pronis intro albicantibus, spinis intercurrentibus curtis & deflexis; *Radice* fibrosa ex albo rubicunda, inodora, cortice croceo, nigricante obducto pelliculâ. *Folia* pollicem longa, digitum lata, rotundiuscula, orni more, crassiori furculo, spinis privato, ex ordine appendentia, mediâ costâ ab adversâ parte, multas venulas fundente, dividuntur. Odoriis gratus, sapor vero subacris & amaricans. Sole occidente intestinis lateribus, ut folia *Balam-pulli* Parte I. *Tabul.* XXIII. descriptæ, se includunt, contrahuntque. *Flores* inodori, flavi, racematim è ramorum foliis destitutorum extremis furculis erumpunt plures, decem constantes foliis pene rotundis, tenuibus, quorum quina exteriora cuspidata parum ac subviridia sunt; uno medianorum existente, venulis trajectis roseis, minuscule, cui adstat oblongum viride, florem universum succingens folium. Emicant ex floribus decem geniculata, è flavo viridia stamina, nigris semilunatis apicibus incurvatis instructa, uti & pede communi plano, lanugine albido fructus primordium continente. *Æquabiles*, compressæ, succretæ *siliquæ*, petiolis adhærentes pollicaribus, quatuor transversos pollices longæ, duos propemodum latæ sunt; dorsô crassiori,

Pars VI. B cuspi-



cuspidato, ventre paucillum incurvo; maturæ & siccæ cortice sunt duro & corneo è furvo nitente, intrinsecus candida obducto cartilagine, quæ, ubi teneriores sunt, transparet, postea vero involvit atque disjungit semina oblonga, subplana, è cinereo fusca, è transverso lingulis siliquarum dorso adhærentia. Arenarum cupida, per universum Malabar ob ornatum usumque frequens colitur. Sponte in *Trevancoor* provinciis *Goendre* & *Ellé de Soroan* aliisque montanis nascitur locis. Ab Aprili in Septembrem usque floret. Fructus carpuntur exeunte anno. Trima fructifera; vitam in centum trahens annos, quibus nunquam destituitur frondibus. Ex ligno, quod ubique venale exponitur, rubro, aquæ incocto tinctura elicitur nigra (atraumentum vocant,) quæ cum alumine diluta, rubricosa evadit, maximoque ad lintea aliaque rubello colore imbuenda in usu est; calce vero obscuratur. Quod si furculorum lignum albicans calce perfrixeris ilico rubescit, quo existente molliori flavet, ad opera pretiosiora magisque subtili elaboranda manu, hoc lignum adhibetur.

## T A B. II.

Primus noster Auctor arboris hujus figuram ac descriptionem exhibet. *Jurua Seranga*, seu lignum *Rubrum*, apud Lusitanos *Pao de Brasil* dicta, à Pisonè *Histor. Brasil.* l. iv. c. xxv. descripta, in multis quoad descriptionem & figuram, cum *Tsiapangam* convenit, ea tamen differentia, quod arbor *Brasiliana* in longe majorem excrecat proceritatem ac crassitiem; Flores suavissimum liliorum convallium instar, fundunt odorem, cum è contrario

*Tsiapangam* eo destituantur; atque hoc solo fortassis adscribi debet. Clusius *Exotic.* L. i i i. c. xvi. arboris fructum seu siliquam depingit sub nomine *lobi membranacei nigri*, Casparus Bauhinus *Pinac.* Lib. xi. §. i. pag. 393. lignum *Brasiliano* simile vel lignum *Sapou* lanis tingendis percommodum dixit. Celeberr. *Hermans* Lugd. Batav. *Botan. Professori* *Acacia Tinctoria* vocatur.


*Pingam* Lat.

ਅੰਗੂ. Mal.

*Carenfeli*

फरजी Bra.

پونگام Arab.





## PONGAM seu MINARI.

## TAB. III.



Uæ *Pongam* seu *Minari* apud Malabaræos, *Carransi* Brachmanos, *Favas de Chapa* Lusitanos, *Mansbonen* Belgas audit, arbor est excelsa, crassiore *matre* quam ut homo complecti queat; ligno candido molliorque, cortice gemino; exteriori, qualis in ramis vetustioribus, è cinereo obscuro, interiori è viridi læto, fragrant, odore glycirrizam recentem referente. Rami, pene inodori, teneriores corticem habent prasinum. *Radix* villosa, nigricans, acris, graveolens. *Folia* grati odoris, nullius saporis, cuspidata, mollia, glabra, supinâ subfusca, pronâ parte dilutiora sunt; quina aut septena, impari è furculi lætioris summitate dependente numero, passim prodeunt; medianâ flavente costâ, intertexta. *Flores* tetrapetali, quorum gemmæ aculeatæ, convoluti folii adinstar emicant, odorarii, papilionacei, *cametti valli* proximi, albicantes, digitalibus petiolis, furculis complures adhærent. Horum duo rosei coloris oblonga folia, tertium patulum, frequentissimis venis lineatum, quartum plane incurvatum est. *Stilus* densior exalbidus in novem staminula rubellis apicibus dividitur; è quibus unum hirsutum eminet geniculatum, fructus germen continens. *Fabæ* nostrarum æmulantes saporem, acres austeraque sunt, duos admodum pollices longæ, unum latæ, eâ, quâ planæ sunt, parte sibi invicem incumbentes; in longum sitæ, ita tamen, ut earum umbilicus filiarum respiciat dorsum; primum virides, siccæ rubentes, rugis transversis inæquales. Insuper quoque flores spurios fundunt fructus qui sunt noduli cinericei, du-

rioli, candida pulpa, nunquam filiquas edentes. Locis montanis petrosisque, in Provinciis *Paracaro* & *Mangatti* provenit; idque tam facile ut vel terræ impositus radicetur ramus; Ab anno supra decimum quinto fructifera, ad quinquagesimum superstes est. Flores, Fructusque ab Aprili usque Januarium exhibet, frondes semper vi-  
rentes. Lignum foco inservit. Balneum ex foliis pa-  
ratum flatus, Arthritidisque dolores, suffitus febrem de-  
pellit. Eorundem succus in tempore adhibitus, vene-  
natos curat serpentum morsus.

## T A B. III.


Arbor hæc, quod sciam à nemine hætenus de-  
scribitur. Fructus, qui ad loborum genera per-  
tinet, delineationem Clusius *Exotice*. L. III. c. XIII. | sub fabæ specie, tamquam semen exhibet; quod  
anno 1610 c. lxxxiv nomine *Pungam* insigni-  
tum, inter semina Zeylonensia adeptus sum.



I T S I A.



Inja Lat.  
لوز Kal.  
بنجیاء Arab.



## I N T S I A.

## TAB. IV.



*Ntsia* Malabarenſes, *Cacoſa* Bragmanes, *Spin-  
hos dos Morcilhos* vel *Spinodos Mouros* Luſitani,  
*Wond doorn* Belgæ nominant. Binorum ho-  
minum implet complexum, libro eſt cine-  
reo, ligno candido, fulcis quinis, è qui-  
bus ſpinæ erumpunt, ſtriato. *Radice* eſt ad-  
ſtringente, fibroſa, nigro cortice intus rubente. *Rami*  
cinerei ligno albidioris pronis ſentibus, duobus in fulcis  
frequenter obſiti. Folia *Nilcamaram* (parte i. Tab. xxxviii.  
deſcriptæ) niſi breviora eſſent, poterant videri, inferne  
ſtriata, uno nervulo in exortu, ut & multis venulis dona-  
ta, dilutiora, ſuperne ſumme ſunt virentia. *Flores* odorati,  
candidi, rubris è gemmis erumpentes, *Acaciæ Indicæ* in  
modum foliorum acuminatorum, ſinguli, bini, non  
numquam terni, pedicellis pollicaribus in extremitate  
furculorum prodeuntes, penicillis tenuium filamentor-  
um, quæ minutiffimis capitata apicibus verſus omnes ſe-  
ſe extendunt partes, ornantur. Fructus per planæ & lon-  
gæ ſunt *ſiliquæ* utrimque cuſpidatæ, cortice, craſſo,  
duro, ſubpurpureſcente nervo obſeptæ, ſingulæ, aliquan-  
do geminæ è furculo dependentes. Ipſæ autem fabæ mol-  
les, ſubamaræ, oblongæ & planæ, tranſverſariæ bolbi-  
canon imitantes in carne albicante includuntur. Naſcitur,  
quamvis ſparſim in multis arenofis petroſiſque *Malabar* ut  
& *Cranganor* locis; nunquam in caudicem adoleſcens. Flo-  
ribus induitur Julio & Auguſto, fructibus maturis ſub  
hyemem, frondibus ſemper virentibus, quæ deceden-



tedie se complicant. Horum, velut & corticis succus cum paxillo falis exhaustus ventris sedat dolores, ipse cortex capitis lavamento utilis additur; qui in pulverem redactus summo cum levamine ulceribus inspergitur.

## T A B. IV.

*Intsia* ex gnorismatibus species *Acaciæ* globosæ habita, nusquam describitur. Apud Reichium tamen *Hist. Pl. Nov. Hispan. Fol. 479*. *Acacia Teboaxis* ci dicta, cujus absolutam non addit descriptionem, delineatur. Plura genera cognoscere cupienti respiciendus est *Thomas Aldinus* in *Horto Farnesiano*. *Bauhinus* in *Pinac.* Hæc vero *Acacia Malabarica flore glabro* filiquis latis vocari potest.



N A G A.

Waga Lac.

وڭ و Hal.

Sigi

ਸਿਸ Ara.

சிகி Arab.





## W A G A.

## TAB. V.



*Aga* apud Malabarenfes, *Sigi* Braminos, *Favas do Lafarô* Lusitanos, *Melshauwen* Belgas frutici nomen est. Hæc *Intsia* persimilis, spinis attamen carens, altas maritat arbores. *Rami* ejus virides, carinati, atque ubi novi prodeunt, furculi binis donati sunt foliis.

*Radix* vero adstringens & amara. *Folia* parva, è lato aculeata, uno à latere convexa, medio recto divisa nervo, intus viridia, exterius rubea, petiolis rubicundis, ejusdem coloris furculo per ordinem adhærent; quæ vel sola vel cum ramis mota statim, quod inclinato semper solent die, se contrahunt. *Flores* qui odoris sunt mellei, caliculo inclusi rotundo, constantes foliis quaternis oblongis, stellarum modo expansis, tenuibus, mollibus, furvis, propriis racemosis furculis suspenduntur. *Stamina* tria quatuorve supra decem eminentia, tenuia, lenia, quorum infimam partem obducit lanugo, apicum sunt è rubro fuscorum. Hæc inter caput ejusdem coloris se effert *stilus* oblongior, crassiorque. *Fructus* binas palmas æquantes *siliqua* sunt duos pollices latæ, tenues ac præplanæ, exsiccatae rubescentes, cortice intus in veo, fabas adstringentes, amaras, teretes, paullulum planas, transversarias, è virente spadiceas continentes. Floret ut *Intsia*, provenit quocunque è solo densis sylvis in *Waropoli*, aliisque Malabarici regni locis; semper virentium interponitur numero. Hujus arboris succus una cum limonis, & virente curcuma in nucis Indicæ oleo diutius coctus, illinendo prodest lepræ, multi insuper usus in ulceribus est inveteratis.

## TAB. V.


Incognita hæctenus *Waga* quamvis *Acacie* species, dici potest *Acacia Malabarica* altera spinis carens.

Pars VI.

E

MOUL-

Mullava L.  
 ۴۳۲ ن. Kal.  
 مولافوا L.



## MOULLAVA.

## TAB. VI.



*Moullava* Malabarenfibus, *Moella* Bragmanis, *Favas do Rato* Lufitanis, *Dwaaldoor* Belgis dictæ arbori, fefqui hominis altitudo, duarum palmarum crassities est. Graveolenti libro circumtegitur subfusco: ligno est folido & albente, nusquam non spinis duris & acutis obsita: *Radice* lignea, gravi, ingrata, terræ irrepente, resinosa, ubi læditur, adhærente. Gravi cum odore tum sapore: *Folia* Buxo proxima, rigida, ex opposito gemina, è longo rotunda, supinâ parte è viridinitentia, pronâ dilutiora sunt; mediam costam eminentem sæpius subdivisam habentia. Inodori, lutei profundo è calice prodeuntes *Flores* quinque foliis hyacinthina imitantibus, constantes, oblongis, longa serie, in modum coronæ, furculorum foliaceonim summitatibus adhærescunt. *Stamina* iis quina, inferius alba lanugine, superius apicibus obscuris ornata. *Stilus* ejusdem, nisi quod vertex albicet, generis ac coloris est. *Siliqua* autem subpurpureæ, tactu lenissimæ, lato è calice brevibus petiolis furculis inhærentes, quatuor plus minus oblongas, furvas, insipidas, ingratasque transversarias includunt fabas. In insula *Baypyn* aliisque arenosis, astraris crescit in locis. Vernat ubi tempus hyemat, fructus maturi colliguntur Novembri Decembri mensibus, sempiternam habet comam. Medicum vero nullum præstat usum, nisi *Pollias* i.e. pauperibus, qui foliorum fumo naribus admissis capitis dolores, vertiginesque, sibi adimunt.

## TAB. VI.

Altum apud Botanographos de hac arbore silentium est, si tamen aliqua sit facienda comparatio, erit cum *Acacia cognata* planta J. Bauh. P. I. Libr. p. 432.

Sed ob descriptionis brevitatē nihil certi determinari potest.

Pars VI.

F

MOU.



Muricu Lat.  
අබ්බු Mal.  
Pungiro  
අබ්බු Bra.  
موزفخون Arab.



## M O U R I C O U.

## T A B. VII.



Uæ *Mouricon* vel *Muricu* item *Morico* Malabaræis, *Pangiro* Brammanis, *Folshasda trinidad* Lusitanis, *Slakhout* vel *Washout* ut & *Eliphants boom* Belgis dicitur, arbor, est procera, duorum hominum crassa complexum. Rami cortice interiori è viridi fusco, pluribus nigris incurvatisque intercurrentibus spinis, obducuntur. Radix squammosa villosaque; Folia habet in cacumine rara, ipsa vero mollia, tenuia, supinâ parte lenia, è viridi fusca, glabra, pronâ vero glauca, hyalina, è pediculis viridibus, striatis spithamam plus minus æquantibus prorumpentia. Costâ inter media eminente, crassâ, pluribus ramusculis, ad oras pene diductis, distincta, odore sylvestria. Flores fabacei, pentaphylli, ex petiolis ramorum extremitatibus adnatis tres palmas excedentibus prodeuntes, gemmis oblongis, rubris ac inflexis includuntur. Coccinei externe; interne vero è rubro furvisunt, planeque inodori. Horum ex medio enato foliò reflexus conspicitur *stilus* falci-formis, ruber in novem teretia, quibus apices innituntur, exiens staminula. Floribus deciduis succedunt *siliqua* manum longæ, fæcolis proximæ, crassæ, cute obductæ denfiore, spadiceæ, cœruleæ, farinam infuscam continentes. Ipsæ autem fabæ modo plures modo pauciores intus albæ, lanugine alba distinctæ, in longum sitæ sunt, sanguineæ, dein colore in cœruleum vergente. Umbilicus dorsum respicit siliquæ; sinus iis est in medio excavatus, ac sapor sylvestris. Vulgaris hæc omnibus Malabaricis non modo sed & Zeiloniæ provinciis arbor est, cujus rami vel avulsi infertique facillime radicanter. Elephantum sum-



mopere hoc delectantur ligno utpote leni ac molli. Folia huic arbori decidunt eo tempore omnia, quo floribus, quos semel ubi trima est in anno profert, fructibusque vestitur: caudex vero limacibus caracollagis apud Italos in vitibus in cibum enutritis, proximis scatet. Piperis ramusculi in modum hederæ hæc scandunt arbores. Usus harum arborum si consideres varius est; primo lignum Malabarense in ensium ac cultrorum efformant vaginas; imo ipsa perspicilla, in eo, ope lapidis calcinati expolire solent. Una cum cortice Indigenæ ad vestium *Sarassas* dictarum, lotionem, flores in confectionem *caril* adhibent. Ceterum folia pulverisata, ac matura cum nuce Indica cocta donec unguenti crassitudo sit, veneris consumunt bubones, dolores ossium sedant. Contrita folia temporibus applicata cephalææ opitulatur & ulceribus. Mixta cum saccharo impuro quod *jagra* vocant incolæ, estque saccharum quod ex arboris *Palmeina* succo dicto *sura* excoquitur & in nigros trochiscos formatur, ventris dolores præsertim foeminis reprimunt; quod præstat cortex aceto lævigatus, & nucleus pellicula rubra denudatus, si deglutitur. Foliis succus cum oleo *Sergelim* assumptus, dolores levat venereos, cum orizæ infusione haustus, fluxus tenet; cum foliis *Beteleira* in pulvem redactus vermiculos in vetustis ulceribus præfocat; ex oleo coactus sporam & pruritum tollit.

## T A B. VII.

*Muricu*, sive *Mouricon*, est *siliqua silvestris spinosa arbor Indica* Bauhini, (Pinac. L. xi. Sect. 11.) & coralli arbor Clusii, *Hist. Plant. Rar. in Appendice* 1. Joan. Nieuhof in itinere eas in Java ad Bataviam frequentes esse & à Lusitanis *Marokko* vel *Morukko* vocari refert, à Javæ vero incolis *Dadap* vel *Dadap* à Malacensis *Darradap*, Chinenfis *Ossensio*. Apud


Ferrarium in Flora *coralli arbor*, dicitur, quomodo J. Bauhino ob flores corallini coloris. Clusius eam in America crescere dicit, at in Insula Mauriti ceteras arbores altitudine superare; unde & *Elephantina* nominatur. Vidi & varias ejus apud nos species è semine, una cum arena quantum conjicio, huc delato exortas.



*Kall-Todda-Vuddi* Lat

മല

طاطا وعصير



## K A L . T O D D A V A D D I .

## TAB. VIII.



*Al-toddavaddi* à Malabarenſibus, *Laſari* Brachmis, *Erva Mimosa* Luſitanis, à Belgis *Liefblad* dicitur frutex, ex variis generibus, quorum quatuor terreſtria, unum aquaticum eſt, hic ſolus ad tres quatuorve pedes aſſurgit. *Radix* ruſſa & capillaris. *Ramis*, qui primum rubei deinde virides, pilis non modo ſed etiam ſpinis diverſæ magnitudinis innumeris, deorſum deſlexis obſepti ſunt, adhærent furculi fere digitales foliacei, ex oppoſito gemini, rubeſcentes, ſpinulis quoque ejuſdem coloris hirti. *Folia* proxima Intſia, per ordinem contrariis inter ſe pediculis annexa furculo, elonga, anguſta, antè obtuſa, pertenuia, lenia, nervo ſubtili, attamen ramoſo prædita, ſurdi ſunt viroris. Quæ ſi tanguntur illico, more Toddavaddi, veluti complicandæ manus, ſe demittunt, & cum oppoſitis foliolis ſeſe quaſi complicant, mox tamen attolluntur atque in ſolis occaſum explicantur, quo diſceſſo ſponte collabſcunt. *Flores* qui in petiolis longiuſculis, rigidis atque ſpinofiſ, ſubpurpureis hic illic proveniunt, quinis conſtant petalis, quorum quaterna tenuia, lenia, latiora, ad unguiculos vero ſtriſtiora, circa ambitum exiguis rugis criſpata, flavei coloris, ſed ab utraque facie internigrantia ſunt: ex his duo anteriora explanata ad petiolum ſeſe reclinant; duo poſteriora oblique erecta ſeſe mutuo reſpiciunt. Quintum inter duo emicans rigidum craſſumque eſt, ejuſdem at dilutioris coloris. Ex medio prominentia ſtamina inferne arcè compacta & lanugine obſita albicante decem ſunt è viridi albertia, ſuperne tenuia, interniſcantibus flavis apicibus dotata. Calix quinquies inſectus

Pars VI.

H

per-



permollis & purpureus. Succrescentes *siliqua* duos digiti articulos longæ lanuginosæ & atris interspersæ maculis, binas, ternas, rarius unam includunt fabam transversariam, acerbam subviridem, maturam in nigredinem vergentem. Sapore nostrates referunt. Nasci amat in locis petrosis umbrosisque. In *Candenate* & *Teckencour* aliisque locis plurima est. Semper frondet. Ignotarum hæcenus est virium, excepto quod quidam credant hujus folia invitas mulieres in venerem impellere, alias ad refrigerantes refertur herbas.

## T A B. VIII.

Hæcenus incognita hæc planta est quarum alie tur, siquidem frutex est, & ad frutices siliquosæ species cognomines in sequenti volumine describentur, flore papilionaceo refertur.





*Mellia-Tagera* Lat.


க ா க ா Mal.

طءءءءءء Arab.





*Wellia - Tagera*



## WELLIA TAGERA.

## TAB. IX. &amp; X.



Uam *Wellia Tagera*; *Wellia ponnamtagera*, vel *Wellia ponnawire* Malabaræi, *Sarpouli* Brammani, *Tagera* Lusitani, *groot Glidthouwt* Belgæ vocare consueverunt, in crassitudinem brachii, altitudinem hominis adolescens arbor est, viridi involuta cortice, ligno admodum pauco, ramis rotundis atque viridibus. *Folia* è longo rotunda, permollia ac glabra, pluribus venis media è costa exortis, striata, glauca, foliis *tagera* proxima, communibus petiolis prasinis, fulcatis, contrariis inter se pediculis adhærent. *Floribus*, qui minores, foliola, quæ arboris poterant videri, quina sunt, lutea, singula tribus nervulis, parum per eminentibus intertexta, & calyce pentaphyllo obsepiuntur. Horum in medio decem ex albo viridantia, oblongis majoribus, flavis post modum obfuscantibus donata apicibus, conspiciuntur stamina, eminente uno viridicato, oblongiore atque incurvo, sabigineo germine. Succedentes floribus *siliquæ* duas palmas propemodum longæ, perplanæ, digitum transversum latæ, læves, in transversum posita includunt semina elonga, transversis quoque intersepimentis à se invicem seclusa, aliquantulum sub cortice extuberantia. Arbor hæc, quarto ab hoc volumine descriptarum, species est; colitur ob solam elegantiam in hortis, in quos è sylvis circa *Panam* ac *Pettette* traducitur, cum ceteræ prope *Oediampere*, *Perkencour*, aliisque locis plurimæ sint. Præcipiti flores exhibent æstate, seu mense Sextili, semen maturum Novembri, Decembri mensibus; arenosos amantes locos, sempiterna virent coma. Si radicem excipias, quicquid ex arbore

Pars VI.

I

exhi-



exhibeas, addito cumino saccharo candido & lacte finit gonorrhæam virulentam. Folia lacti incocta vaccino vel in balneum parata articulare expellunt morbum. Cortex cum saccharo & aqua lævigatus diabete commodus est. Radicis cortex cum croco virente lacte exceptus podagræ nodosæ *Sonida badda* Malabarensibus dictæ succurrit.

## TAB. IX. &amp; X.

Tageræ Tomo secundo aliisque locis descriptæ rem, nobis incertum habetur. In diversis Indiæ locis nullam quod ad notas characteristicas habent inter cis harum flores *Fula de Coupang* vocantur, quia fructus convenientiam, neque ab aliis delineantur auctoris. Quid Bauhinus de Tagari refert in Pinacæ ob deficientem hætenus descriptionem accuratio-



# MALABARICUS

## MOURINGO U.

19

### TAB. XI.



Rbor quæ Malabarenſibus *Mouringou* vel *Muringo*, Bragmanibus *Maiſingou*, Luſitanis *Moringa*, Belgis *Moringe* appellatur, quinos homines longa, unius complexum craſſa, cortice intus albido, obducta eſt nigricante; odore ac ſapore naſturtio aut raphano ruſtico ſimillimo. *Rami* ſunt ligno albicante, libro viridi. *Radix* veſtitur cortice ex albo flaveſcente, trunci ſaporem referente. *Folia* bina ſibi invicem oppoſita, communibus petiolis, ſpithamam fere longis, cubitalibus ſurculis ad verticem uſque adnaſcuntur; diminutis lenſim petiolis. Suntque è longo obtuſa, tenuia, mollia tactu & lenia mediâ coſtâ prominente nerviſaliquot in latera excurrentibus, donata, ſuperne è prafino fuſca, inferne ex viridi lætiora. Odor fabis ſylveſtribus proximus. *Flores* candidi, decaphylli, petiolis incurvatis è ramorum cacumine dependent; quina externa foliola oblonga, extrorſum, ſtellæ in modum expanſa reflectuntur, quorum bina poſteriora majori, trina anteriora, minori diſtant interſtitio. Intimorum latiorum quatuor, inferiora obtegunt, quinto ex inferiorum medio prodeunte, è regione arrecto. Hæc inter elevatum foliolum proxime medianus ſe eregit colus in decem ſtamina è viridi albula, extrorſum inflexa, diviſus, quorum paria uno grandiuſculo flaveſcente obteguntur apice. Foliola denſa maxime interna rigida ſunt. Calicis latioris ac è viridi fuſci umbilico inſidet globulus, fruſtûs germen, oblongus quadantenus piloſus, filamentum prodens albineum. Odor iis gratiſſimus & melleus. Deciduis ſuccedentus floribus, ſiliquoſi, teretes fruſtus ſunt, porcis altioribus ſtriati, ſeſquicubitales, cortice coloris herbacei, intus carne exalbida, ſeminibus repleti candidis. In deliciis ob gratum ſaporem habiti, graciles quippe vetuſtiores, eminentibus ſingulis in lateribus coſtulis ligneis, craſſeſcunt, ſiccique rubent. Tribus fruſtuum lateribus trigona incluſa ſunt ſemina, cartilaginea pelliculâ nucleo intus albente, membranis alata tenibus, ſecundum ſiliquarum longitudinem

Pars VI.

K

dinem

dinem disposita. Arenarum amans, non modo in Malabaræ verum & in Zeyloniæ aliarumque Indiæ locorum hortis ac villis ob fructus solummodo colitur, qui fabarum more venales quovis mittuntur. *Floret* Junio, Quintili, Sextili, mensibus. *Fructus* nunc in anni exordio, nunc exordio, aliquando in utroque leguntur. Septuagenaria vel octuagenaria extinguitur. *Folia* succrescentibus novis ei decidunt. Hujus folia & fructus in concoctione *Càril* adhiberi solent. Insuper ex foliis, radicis cortice & fructu parantur pillulæ antispasmodicæ. Foliorum succus una cum pipere oculis immittitur contra vertiginem; qui zinziberi si addatur fugat febres. Tritum ex orizæ aqua cortex oedemati medetur, adjecto cumino odontalgia, & malarum tumori, per se vero venenato glirium mor sui. Eiusdem & foliorum Vallinaregam succi naribus attracti maniam tollunt. Merus corticis Muringu succus cum aqua & allio commixtus serpentes (Cobras capellas) ædibus expellit; artuum ex frigore lancinationes oriundas, lenit epotus: *Radix* supposita arborum causat; cum allio & pipere subactus succus spasmo succurrit, si temporibus allinatur. *Folia* si calida imponantur coleorum discutiunt tumores, imo & venereos. Ulceribus apta sunt; apertæ autem & affectæ parti imposita lumbricos pedum, (popularis in Persia & Guinea morbus est) evocant. Vino admixtus succus cum piscis aurætæ (Lusitani d'aurada vocant,) sevo ebriosos à meri ingurgitatione vocat. Viridis hujus arboris succus omnibus artuum capitique ex lue venerea ortum trahentibus doloribus opitulatur. foliorum succus vermes Phagadenicis in ulceribus enecat & expellit; ex butyro coactus herpetem aliosque morbos removet.

## T A B. XI.

Nomine *Arboris exoticæ lentisci foliis* Bauhinus in Pinac. L. 11. Sect. 11. arborem hanc describit. Acostræ vero cap. xxv. *Moringa* nominatur, è quo J. Bauhinus Tom. 1. Part. 11. Lib. xx11. p. 435. Moringam eam dicit *Lentisce folio fructu magno anguloso in quo semina erui*; additque à Turcis Arabibus

que *Moria*, persis *Turîa* in Guzaratta, *Terida* appellitari: hujusque arboris radicem lapidis Bezoardici & unicornu loco contra omnia venena exhiberi. J. B. Ferrarius Floræ Lib. 111. c. xx1. *Moringam* depingit plane cum auctoris nostri convenientem.



Kātu-Cónna Lat.  
കുടുംകുടുംകുടും Mal.  
Tambido-Bajo  
ता देरोबायो Bra.  
فمائلو فمائلو Arab.



## KATOU-CONN A.

## TAB. XII.



Uam *Katou conna* Malabaræi, *Tambido-Baio*, aut *Colladi Bragmæ*, *Favæ Orelheira* Lusitani, *Oorhangers* Belgæ nominant, arbor percelsa est, crassiorque quam ut à duobus hominibus complecti queat; ramis patulis umbrosisque, cortice & ligno spadiceo, rubramedulla donato: radice longe aberrante, cortice ac ligno rubro, sapore insipido, odore gravi atque ingrato. Folia oblonga, cuspidata, tenuia, rigida, superne è fusco nientia, inferne dilutiora venosaque, gemina ut plurimum, parvis incurvatisque petiolis, surculis adhærent. Flores candidi, odorisque experti è surculis ramosis, quinis oblongis constantes foliolis, cuspidem deorsum demittentibus, conjunctim enascuntur. Horum è medio statim vice fasciculus filamentorum tenuissimorum eminet. Calyx autem parvus quinque habens cuspides florem arcte involvit. Siliqua figura spirales, contortæ, crassioribus nervis extuberantibus simul & lanugine obsitæ, apertis oris crispatæ, internum è croceo rubescentem ostendunt corticem. Faba in filiquis protuberantes, latioribus intervallis à se invicem disjunctim gemmularum more dependent; glabro atroque cortice nitentes; pulpam habentes prasinam, duabus visibilibus pelliculis distinctam. Odor iis gravis, sapor plane sylvestris. In quovis proveniunt solo, præcipue circa *Parou*, *Repolin*. Fructibus aut floribus sempervirens jugiter vestitur. Foliorum decoctum canitiem avertit, lepram sanat, quod præstat & cortex cum saccharo in pastam redactus.

## TAB. XII.

Ignota plane Botanicis hæc arbor est, nisi è filiquio. Attamen quamvis cognomen cum *Conna*, *Parquarum* similitudine velis speciem *Ara ramo tenui* habere; quam *Ps* Lib. iv. c. xxvi. describit, aut intercedit æqualitas; posses equidem speciem *Cassia* perfecta existente descriptione ac figura nihil defisibile aut *conna* dicere.



*Thora-Pertu* Jac.

செய்யாம்பலம் & Mal.

Tori

தொறி

طَقْرُ يَجْبَرُ  
Arab.



## THORA . PAËROU.

## TAB. XIII.



Rbor quam Malabarenſes *Thora - Paërou*, Brachmanes *Thori*, *Tantaraga* Luſitani, ac Belgæ & Indofanſium nomine *Quisſerrii* appellant; fruticoſa eſt, *radice* ruſſa, obfuſco cortice, inodora; *candice* ſeſquipedem craſſo. *Folia* ſalicum effigiem habentia, ex oblongo anguſta, quinos pollices æquantia, aculeata, nervis ſtriata, numero terna, bipollicaribus ſtriatis etiam è furculis, breviffimis pediculis dependent, ſuperne lenia, è viridi fuſca, inferne hyalina, odore ſimul ac guſtu haud ingrata *Flores* hic illic in extremitatibus furculorum, prope foliaceorum exortum expullulantium, erumpunt papileonacei tetrapetali, quorum unum aduncum, venis ſtriatum, lateribus albicantibus & translucidis intus flavum, circa medium oræ leviter ſinuatum, exſiſtit. Duo erecta oblonga, flava foliola, prope latus incurvatum circumplectuntur. Stilus hamato incumbens folio, candidus, in novem filamenta, croceis apicibus donata, diviſus, ſtamine, quod filamentum flavo capite ornatum tranſmittit, crocea gemma nodulato, obtegitur. Eorum calix venoſus hiriſutusque, odor autem nullus eſt. Succreſcentes floribus *ſiliqua*, digitum auricularem cum longitudine tum craſſitie æmulantes, pilofæ, maculis interſinctæ, è viridi dilutæ ſunt; cortice ſubrubro, cartilagineo, ubi expanditur transparente; multis venulis intertextæ. His includuntur quatuor piſa cartilaginofis interſepimentis à ſe mutuo diſincta, immatura virentia, glabra, nitentia, matura rubentia, quædam ex albido flaventia, ſitum tranſverſum obtinentia, in edulia ob gratum ſaporem relata, quinimo propterea in agris pinguioribus ſedulo excoluntur,



tur, & ubivis venalia exponuntur. Leguntur mense Januario. Frutex ipse semper frondens, brevi emoritur. Medicus hic usus est. Apozema ex foliis assumptum, hæmorrhoidum fluxum retardat nimis copiosum. Cum pipere contrita folia gingivarum immunditiem, dentium tollunt dolorem. Decocta vero in orizæ loturâ semina & cum butyro in linimentum redacta spontaneam ac dolorosam artuum propullant lassitudinem. Paratur insuper exiis quoque salubris contra variolas potio.

## T A B. XIII.


Cujus generis hæc sit arbor gnosimata indicant. Fabæ focus navalibus ex India Orientali redeuntibus cibo sunt, quæ causa est ob quam diligenter exco-

luntur. Harum quædam in Horto Amstelædameâ si Medico curiosis ostenduntur.



M A N D S

Mantsjaori Lat.  
ᱠᱟᱨᱢᱟᱝᱠᱟᱨ Mal.  
Günsebi Ara.  
ᱛᱟᱞᱟᱢ Arab.  
مانجيار Arab.





## M A N D S J A D I.

## T A B. XIV.

*Adiantum parvum*  
L. Sp. 350.  
Mni. dict.



*M* *Andsjadi* apud Malabarenſes, *Gunsji* & *Gonsji* Bragmas, *Mangelins* Luſitanos, *Manjelyns* vel *Weegboonen* Belgas dicta, procera arbor eſt, binorum hominum craſſa complexum, ligno duro, libro craſſo, fuſco, ſquammoſo, intus rubente, qualis & radicem obvolvitur, qui tamen proxime lignum albicat. *Rami* ligno admodum pauco, è viridi fuſco, glabro tamen nitent cortice. *Folia* obtuſis oris oblonga, tenuia, mollia, lenia, ſupinâ intenſe virentia, pronâ parte dilutiora, alternatim viridibus furculis ſpithamam propemodum longis; qui binarii è ſpadiceo rubefcentibus quoque aliis interius fulco ſtriatis è furculis prodeunt, appendentia conſpiciuntur. Odoris ſunt fabacei, guſtus ſubamari. Arcto, brevique è calice ſubcrocei pentapetali *flores*, anguſtis foliolis acuminati, extrorſum reflexi, frequentin numero, tenuibus ſimul ac brevibus pediculis, furculo duas palmas excedenti, agglutinantur. Stamina una cum ſtilo eminente viridi, qui fructus primordium eſt, decem iis ſunt ſurrecta, flavis quoque exornata capitulis; odor melleus. *Siliqua* tres palmas longæ, tranſverſum digitum latæ, femina, ſeu fabas includunt alte extuberantes. Suntque cortice primum è viridi fuſco, ſiccæ è ſpadiceo nigricante, nonnullis venulis pertexto. *Semina* ſive malis vocare fabas, rotundis ſpatiis inter ſe diſſidentia, offis ad inſtar prædura, tunica craſſa, coccineâ, glabra, nitentia, ſapore fabarum ſimillima ſunt. Arbor hæc inter proceriores regni Malabarici arbores, caput extollens, quocunq; creſcit ſolo, maxime tamen in *Mangetti*,

Pars VI.

N

*Cochin*,

*Cochin*, *Perquencour* aliisque locis frequens. Anno demum à fatione vigesimo, flores Septembri mense, maturi fructus in fine atque initio, quamvis & aliis tempestatibus anni, frondes semper conspiciuntur. Usque adeo longæva est, ut ducentos annos perdurare habeatur. In usu quotidiano lignum ob soliditatem variis operibus inservit. Folii in pulverem redactis gentiles in cæremoniis utuntur. Semina vero haud ingrati saporis præter quod à plebeis sive cocta, sive comminuta in farinam, comedantur, magnum præstant usum auri fabris & gemmariis, quippe ob æqualitatem, granorum vice in ponderandis mercibus adhibentur, singula namque *Masjelina*, liceat mihi ob linguæ ignorantiam ita exprimere, quatuor pendet grana, quibus utuntur aurifabri; qui quoque ex contusis hisce feminibus aqua madefactis, una cum borace gluten ad elegantiora cum nova, tum diffracta vasa conglutinanda conficiunt. Medici vero è foliis contritis positionem lumborum sedantem dolorem parare norunt.

## T A B. XIV.

Arbor hæc quod sciam à nemine descripta est: nascitur ea in Zeylonensi insula, itidem in Syriana. Flores hexapetali sunt. Consulatur Linschoten & Garcias ab Horto. l. 1. C. 47. de ponderandis margaritis cum hisce feminibus: Nosque ad

huc servamus has filiquas earumque semina inter huc allatas raritates Indicas. De similibus loquitur quoque Bauhinus in Pinace sub nomine pisii virulenti Chinenfis. Accepimusque ea in horto medico Amstelodamensi è Zuratta.





*Pongelion* Lat.


പെട്ടെക്കി. Mal.

Saralù

சரலு

Bra.

پانچولیاں Arab.



## PONGELION five PERIMARAM.

TAB. XV.



*Pongelion* five *Perimaram* Malabarenfibus, *Saralu* Brachmanis, *Favas de tres huma*, Belgis *Drieboon* dicta arbor, aliquando, priusquam se in ramos diffundit, ad quinquaginta longitudine, crassitie ad duodecim & plures excrescit pedes. Cortice est cinereo, scabro, prope radicem, ubi excepta crassitie quæ illic major, idem est, graveolenti. *Folia* extrorsum crispata, acuminata, densa, glabra, superne nitentia, inferne paululum dilutiora, falciformia, gemina plerumque brevibus pedunculis communibus è surculis lignosis propendent. Costa vero intermedia, adversa in parte summe eminens ad oras usque extensa, arcuatim reflectitur, multas subtiles fundens venulas. Odor ipsis nullus. Inodori absque calice pentaphylli prodeunt exalbidi *Flores*, plures racematim petiolis viridibus rotundis superne angulatis insistentes. Stamina ut in *Mandsjadi* proxime descripta colore & numero æqualia sunt: stili in vertice tricuspide plano ac viridi coronatur. *Siliqua* foliaceæ tenuitatis è singulis florum pedunculis ternæ prodeunt, lateribus carne intermedia tenui & pauca conglutinatæ, digiti ferme quadrato articulos longæ, pollicem latæ, subvirides, crassiori nervo, qui una cum ceteris circulum pene efficit, donantur. Hic loci singulis in siliquis, annectitur semen è rotundo aculeatum, quod totum circulum pene implet viride. Sapor liguminosus sed languidus, ipsi fructus perquam puitosi sunt. Siliquæ omnes ad maturitatem non perveniunt, externarum enim una vel altera decidit. Ceterum crescit pinguiori solo, circa *Montan*, *Parca*, & *Bardelle*, ut & aliis locis plurimis. Flores Majo Junioque,



nioque, fructus vero Novembri Decembri fert mensibus, frondes semper; quæ ut & flores è finibus erumpunt ramorum, qui exinde elongantur. Longævis annumeratur. Lignum in cultrorum ensiumque efformatur vaginas; Folia contrita aquam eleganter tingunt. Contuso è cortice excoctum oleum, corpori illitum humores vitiosos educit. Exstillans ex arbore succus cum lacte ebutyrato epotus, flatu discutit. Fructus cum Munja trituriati, orizæque decocto immixti, cephalalgia ut ophthalmia, oculis injecti medentur.

## TAB. XV.

Arbor hæc *Pongelion* quoque est earum de quibus auctores antea fecere mentionem. Pertinetque ad arbores siliquosas, florum hexapetalorum. Quare iconographus quosdam horum florum quodam ad foliorum numerum non recte observavit.




Plaso Lot.

Ḥḡḡ Mal.

Palani

पलसु Bra.

پالسن Arab.






*Pliso* Lat.

ஜிஜி Mal.

*Palasù*

पलसु Bra.

پلا جین Arab.



# MALABARICUS.

## P L A S O.

### TAB. XVI. & XVII.



Rbor quam Malabaræi *Plaso*, Brachmanes *Palasu*, Lusitani *Favos de engenho*, Belgæ *Rattenhausven* vocare consuevere, trium hominum longitudinis est, unius crassitie, cortice exteriori cinericio, sicco, fragili, qui è nigro rubeâ investitur tunica, interiore vero molli quamvis crasso, quo inciso gummosus sanguineus affatim exsudat liquor, sapore subdulcis; *Radix* fusca eodem cum caudicis liquore est succida. *Folia* crassa, prægrandia, brassicæ sabaudæ hybernæ imitantia, è lato rotunda, sesqui fere spithamam longa, albo nerveo obducta limbo, tactu subaspera, colore superne è viridi fusco nitentia, inferne dilutiora, terna pedunculis rotundis, crassis, cubitalibus furculis inhærent. Venulæ, quæ è media majori erumpentes in recta duntaxat parte visuntur, in se invicem revolutæ, supinam superficiem striant, asperitatem dicto modo causantes. Saporis expertia. Longiore densoque è ramo, supra foliaceorum exsurgente, petiolis spissis, sesqui fere uncialibus, parumper tomentosis, plures alterni proveniunt *flores* papilionacei grandiusculi tetraphylli; coloris coccinei Muricu adeo similes ut cetera exinde petiqueant. Odor ipsis acris. Calycis vero quinque cuspidalis petiolus parum tomentosus est. *Siliquæ* permagnæ, spithamam longæ, tres pollices latæ nervis eminentibus multis pilis dum adhuc virent decumbentibus obsitæ, lateribus pene contiguis perplanæ cortice interiori cartilagineo, candido sunt, odore subacri. Harum in vertice, una valde compressa ac complana reperitur faba, cortice tenui, rubro, pulpa,



## H O R T A U S

in duas sese dividente partes, albâ: maturis feminibus filiquæ rubent, quæ priusquam faba conspicitur in justam excrescunt magnitudinem. Faba solitaria, magnæ inclusa filiquæ subdulcis est saporis, graveolens. Crescit in *Cranganron*, *Bellanga*, multisque aliis Malabarici regni tam montanis quam apricis locis copiosa, semper frondens. Bimula flores Septembri, Octobri, fructus Januario sequentibusque fert mensibus. Quadragenaria emoritur. Ast rami terræ impositi confestim radican- tur. Lignum & folia gentilium cæremoniis inserviunt. In pulverem redacti fructus, assumpti lumbricos educunt, cortex eo modo cum zinzibere exsiccato, exhibetur in mor- su viperino.

### TAB. XVI. & XVII.

Arbor hæc inter *Loborum* genus refertur. Secundo post sementem anno fructus fert, idque quadraginta annorum spatio. Qui plura de similibus

*Lobi* generibus scire desiderat, inspiciat *Casp. Bauh:* in pinace Lib: 11. Sect. 2.



KARIN.


Karin-Njota Lat.

കരിൻജട്ടാ Mal.

Locandè

नोकोडा Bra.

فخر عطا طماء Arab.





## KARIN-NJOTI.

## TAB. XVIII.



*Arin-Njoti* Malabarensis nuncupatur, quam Bragmanes *Locandi*, Lusitani *Fruita Sancta* Belgæ *Kroon nooten* dicunt; arbor tantæ proceritatis est ut sex hominum superet altitudinem; *Caudex* ei hominis crassitudinis; rami cortice nigro, ligno albo, sed amaro; teneriores viridi sunt. *Radix* cum odore tum sapore gravis atque amara. *Folia* peramara, crassa, solida, glabra, vetustiora facile fragilia, oblonga, obtusa, rectâ in parte è viridi fusca, adversa dilutiora; è crassis rotundis fere pollicaribus proveniunt petiolis costa multas albidulas fundente venulas, divisa. *Flores* circa ramorum summitates in furculo perlongo, rotundis, parvulis, purpureis petiolis plures conjunctim, inhærent, tribus & quatuor, & quinque aliquando, ad invicem inflexis constantes foliis, ex angusto latis & obtusis, lenibus, colore ab uno latere subflavo, in album vergente, ab altero propemodum sanguineo, utrimque nitentibus, è calice in quatuor lacinias dissecto, prorumpunt. *Stilus* mediastinus brevis crassusque, filamentum oblongum è fusco flavum emittens, stamina oblonga crocea, apicibus quæ donantur ruffis, comitatur. *Odoris* plane expertes. Successi floribus *fructus* pedunculis curtis, tortuosis, fasciati, elongo cauli seu petiolo appendent nuciformes, quamvis aliquo modo planiores, cortice crasso, lignoso, fungoso ac levi, qui includit unum nucleum duos in lobos cute è flavo rubente divisum; gustu amarissimum. *Arenarum* amans prope littora invenitur in insula *Baypin* pone *Paloerti*, *Arregatti* aliisque locis, ut & in insula *Zeylonensi*. Flores ejus Januario, fructus Martio, Aprilique mensibus, frondes

semper visuntur. Ceterum arboris hujus folia, balneum præstant febres fugans algidas; contrita vero erysipelati occurrunt; temporibus adfricta, colubri cujuscunque adversantur veneno. Eorum oleo incoctus succus linimento Psyltraciæ est. E fructibus autem primo conficitur oleum articulari, dein potio, cholerae medens morbis. Radici Boream versus excrescenti magicas Malabaræi attribuant vires.

## TAB. XVIII.

Carolus Clusius in Exotic: 1.2. Cap. 16. refert duo *Labi* genera, quæ valde huic *Karin-njoti* juxta descriptionem similia sunt. Verum quoniam vehementer dolet talium fructuum allatores sibi nullam

figuræ arborum dedisse notitiam, nihil certi ferè de ea potuit referre. Itaque noster auctor quantum ego scio primus est, qui eam pefectè descripserit.





*Kaka-Müllu* Lat.

കടക മുളു Mal.

فخاخو الخو Arab.



## KAKA MULLU, vel KAKA MOULLOU.

## TAB. XIX.



Arbor quæ *Kaka Mullu*, vel *Kaka Moullou* apud Malabarenſes, *Ticanto* Brachmanes, *Graon de Veado* Luſitanos, *Schulpdoorn* Batavos audit; brachium craſſa eſt, ligno candido, cortice leucophæo & ſcabioſo. *Rami* ejus proxime deſcriptarum modo ſpinoſi, medulla perfoſſi, aliquantulum contorquentur. *Radix* odoratius vibrat, ſubſalfa. *Folia* ſpiſſa, ſolida, glabra, ſumme viridia è longo aculeata, ex adverſo gemina, ſurculis, qui duobus ſpinis gaudent, affiguntur, primum leniter conſtrictiva ubi manduntur ſubacria, inodora. E gemmis fulvis, *flores* papilionacei, lutei, ſurculis, pollicaris longitudinis juxta florem inflexis è pedunculis adhæreſcunt polyphylli: decem namque, *Mouringo* haud abſimiles conſtant foliolis, quorum ex inferioribus unum inflectitur, ceteris cochleari ſimilibus; quatuor interiora è longo latiora ſunt. Stilus hiriſutus ut *Mouringo*, niſi quod in novem findatur ſtamina. Odoris licet languidioris gratiſſimi. *Siliquæ* latiores, duro cortice intus exalbido, ſingulæ unam ſolummodo grandioreſcunt involvunt fabam, ex albo nitentem; quæ ſaporis ſubacris aromaticique eſt. Arbor paluſtrium cupida, in mali excreſcit altitudinem, vivit prope *Chenoti*, *Parou*, *Warapoli*, aliisq; in locis ad fluminum ripas. Effloret, Junio, Julioque. Fructus edit ſub anni initium maturos; frondibus numquam nudatur. Medicus ejus uſus plane incognitus, niſi quod cortex ex lacte contritus vaccino diabetem gonorrhæamque perſanet.

## TAB. XIX.

Hæc *Kaka mullu* ad *Loborum membranaceorum* pertinet genera, cujus mentionem facit *Cluſius in Exotic.* L. III. C. XVI.



*Ban-Karetti* Lat.  
 വാകാശ്വരം Mal.  
*Teringüsi*  
 तीरंगुसी Bra.  
 وعرى فاكى Arab.



## B A N K A R E T T I.

## TAB. XX.



*Ankaretti* Malabarenfes, *Dou-Tiringouffi* Brachmæ, *Cliche falſa* vel *Silvada Prajamacho* Luſitani, *Praatjes* Belgæ quam nuncupant, arbor eſt *Caretti* Part. II. Tab. XXII. deſcriptæ alterum genus, à qua differt quod hæc flores proferat ſimplices, juxta ſurculorum exortus poſitos, decaphyllos, è viridi luteos, ſtilum rubrum emittentes. *Siliqua* Kakamulla effigiem habent, cortice ſunt denſo, ſubfuſco, duro, intus helvolo, foras villoſæ non autem echinataæ, unam duntaxat fabam continentes, quæ per plana pilofaque eſt; ſed prædura & apud medicos in uſu. Naſcitur prope montes denſiſſimis in fylvis in Provinciis *Candanata*, *Cottate*, ut & aliis locis. In hac alij matureſcunt fruſtus, alij turgescunt, alij florent.

## TAB. XX.

*Lobus Echinator Chyſi* vel *Caretti* ſecunda parte deſcriptus, nulla parte in foliorum figura convenit: multo minus ſiliquis, ſpinis carentibus. Magnam ego ſpinoſorum *Loborum* deprehendi differentiam, ut patet ex Banduch. *Zanowii* & *Breyſii* in *Prodromo*: verum quod ad hanc arborem potius eam,

ejuſdem cum præcedenti *Kaka-Mulla* dicerem ſpeciei, utpote in multis iſti valde ſimilem. Multas eſſe *Loborum Echinatorum* ſpecies oſtendit ſatis Caſp. Bauh. in *Pinace* Lib. XI. Sect. 2. Pariter in Occidentali ac Orientali naſcuntur India.





Nāgam Lat.

ഉദക. Mal.

Cupajada Bra.

കുമാരി Arab.

كبر Arab.



## N A G A M.

## TAB. XXI.



*Agam* Malabaræi, *Compajada Gonconi* Brachmæ, *Fruita gundra* Lusitani dicunt, *Schuyteboonen* Batavi vocant. Altitudine quatuor crassitie unius hominis arbor est; ligno candido rubea medulla trajecto, cortice cinereo; radice odore gustuque sylvestri. *Folia* ejusdem ac radix odoris saporisque, oblonga, cuspidata, densa, rigida, in superiore parte glabra, subobscura, inferiore cinerea sunt, costa donata crassiori, in ligneos nervos porrectâ. *Flores* umbelliferi pentapetali, rubei, furculis ramulosis innitentes, globulum rufum stilumque breviorum includunt. Floribus è singulis quaterni imo quini exoriuntur fructus. *Siliqua* digitali longitudine, spadicea, cortice subamaro, unam singulæ investiunt fabam pelle candidam, intus mollem & fungosam gustu amaram & adstringentem. Arenosis licet, paludosis tamen gaudet, locis, in insulis *Bendurti*, *Aroe* aliisque intra *Cran-ganoron* & *Porca* sitis, frequens, Augusto, Septembri, Novembri florifera, Martio, Aprili fructifera, perpetuo frondens est. Foliorum succus cum nucis Indicæ oleo ventri illitus, lunaticam ejus intus in ecentiam dispellit.

## TAB. XXI.

Quoniam (quod sciam) nulli auctores aliquam hujus arboris faciunt mentionem nihil certi quoque de ea definiti potest, nisi quod hi flores non in umbellæ, verum ramorum formam proferuntur. Si

quis autem de similibus siliquosis plura desiderat *Clusum in exoticis. lib. 2.* adeat ubi de pluribus agitur speciebus.



Noel-Valli Lat.

ጥሐዳ Mal.

شول والنج Arab.



## NOËLVALLI &amp; PANNIVALLI.

## TAB. XXII.



Malabaræis Noëlvalli & Pannivalli, à Brachmanis Solori, Lusitanis Folhas do porco, Belgis Hoefblad audit. Hic ramusculis proximas maritans arbores frutex, cortice est nigricante, rubris insperso maculis, ligno viridi medulla perterebrato; radice subfalsa atque inodora. Folia fraxini simillima, sulcatis inhærent furculis, crassiora, solida, glabra, nitentia, superne magis fusca, inferne dilutiora, ubi & costa eminet lignosa, flavescent: sapor iis subacris. Inodori flores, è calyce monopetalo rubicundo, papilionacei longis è furculis, ut ramena-pumaram Tab. LXI. Tom. iv. descr. dependent candidi, tetraphylli, quorum unum latius rotundiusque & incisum in cacumine leviter quodammodo inflectitur, duo lateralia oblongiora, exteriora versus incurvantur. Stilus ut in Wellia Tagera paullo ante descripta, haud absimilis, ex albidus minorem in se continet alium subviridem è calice erumpentem. In gemmis compressis unum latius folium cetera complectitur. Siliqua longitudine & gracilitate digitali perplanæ, duo, tria, isthmis distincta, semina, fabarum rudimenta intus includunt. Ipsæ fabæ sole percoctæ cinericei sunt coloris, ingrati saporis. Augusto flores, permaturos fructus Decembri & Januario mensibus, frondes perpetuas promit. In insula Baybyn ceterisque locis fluviorum ripas obvestiunt. Comestæ immites fabæ alvum cum torminibus solvunt; Folia in cataplasma redacta Erisypelati conducunt. Cortex cannabinum æmulans in funes redigitur.

## TAB. XXII.

Flores hujus fruticis sunt galeati & labiati, conveniuntque cum quibusdam Orchidis speciebus exceptis uncinulis.

Pars VI.

V

KATOU.




*Katū-Pūl-Colli* Lat.

အဒံ နှင့် အနီဝါ အဒံ နှင့် .Mal.

*Bana Dadu Nari*

गन्धिका .Bra.

فحاطن بؤن و حاطن .Arab.



## K A T O U - P U L C O L L I .

## TAB. XXIII.



*Atou - Pulcolli* Malabarenfibus, *Rana-dadumari* Brachmis, *Arvore-ensitho* Lusitanis, *Koelblad* Belgis nuncupatus, homine longus frutex est, cujus inodora è radice fibrosa, ruffa, geniculatus, carinatusque exsurgit stipes duntaxat unus, fractu perfacilis, ramulos è geniculis protuberantes habens gemellos oppositos. *Rami* ut & furculi pertenuēs ei sunt colore fusci, teneri pilis rugosi. *Folia* hic illic furculis insident rara, è longo angusta, longitudinis pollicaris, è viridi fusca, in ferne dilutiora, quæ lapsis floribus, ramis decidunt. *Flores* purpurei è foliaceorum furculorum erumpentes extremitatibus, folia habent è longo angustissima, erecta, extrorsum crispata, quorum unum angustius inferne candidum venis striatum, alterum latius est. Stamina bina exalbida, purpureis oblongis apicibus, duobus quoque gemmulis exornata, albens sibi è calyce viridi exortum, adjunctum habet filamentum. Decidentibus floribus è calyce capsulæ enascuntur feminales, ubi calyce excipiuntur è longo angustiores, capitulo compresso, oblongoque sunt, virides hirsutæ, siccæ lignosæ, cortice albulo. Ipsa vero semina complanata è ruffo fusca duabus in cellulis intersepimento quodam distinctis, prope capitulum bina ut plurimum reperiuntur, fabæ figuram æmulantia, sapore odoreque carentia. Arenosis ipsis frutex apricisque gaudens campis, circa *Cochin* & *Warapoli* multus est. Flores Januario, semen maturum Martio, Aprilique dat mensibus. Medicus internus usus in stomachi doloribus, atque interaneorum inflammationibus est, externus in scabie herpetique.

## TAB. XXIII.

Ad quodnam genus hæc planta pertineat difficile est dictu, at flores & siliquæ fere referunt *fabaginem* *Belgarum* *Dodonei*.

Pars VI.

X

PERIN-



*Perim-Curigil*

പെരുംകുറികില

Tali

താലി

پريم قورگيل



## P E R I N C O U R I G I L.

## TAB. XXIV.



*Perincourigil* apud Malabarenſes , *Tali* Bragma-  
nes, *Circa darvetha* Luſitanos , *Honde pinten* Ger-  
manos inferiores vocitata arbor, pruno ſi-  
millima, *Radice* eſt ligni albicantis atque in cir-  
culos diſtincti, libro quod ad colorem ſan-  
guineo cruſta obdueto atra, nullius odoris,  
ſaporis acris; *Ramis* ligno candido medullato, cortice ſpa-  
diceis. *Folia* longiora , anguſto cuſpide aculeata, ſuper-  
ficie glabra, ſpiſſa, rigida, pyri paullo breviora, nume-  
ro quina, virore ſupina in parte ſaturo, prona dilutiora  
utroque nitente ſunt: venulæ utrimque conſpicuæ fre-  
quentes per totum oberrant folium, cui ſapor non nihil  
pungens odor lentiffimus. Exigui perianthio quin-  
quies incifo ſtelliformes, candidi, pentaphylli *flores* per-  
fecti, in ſurculorum cacumine ramulis innati, dena nivea  
flavis decorata capitibus , habent ſtamina, quorum quin-  
a, foliorum ex unguiculis quæ exeunt, paullo planiora  
ſunt; Stilum inſuper, albentem, craſſum. *Siliqua* vero  
cortice coloris aureoli, interno rigido, cano, externo  
tomentoso nitente, in dorſo, ubi maturuere hiantes, fa-  
baceum includunt ſemen è longo rotundum pellicula te-  
nui, nigella, ſplendenti involutum pulpa conſtans in vi-  
ridem inclinata, umbilico ſiliquæ, in angulo extuberan-  
ti, duos in lobos diſiſum, adhærens. Arenolis *Ange-Cai*  
*mal* vicinis, aliisſque ut in inſula Zeylon *Paniture* , & *Alican*  
pratis, abundantiffime prodiſt. Florifera Auguſto, De-  
cembri vero, nonnunquam bis in anno maturos fert fru-  
ctus. Ceterum è nimio rigentibus frigore membris mo-  
tum reſtituunt conuulſi fructus; quorum è lobis exprimi-



tur oleum aphthis convenientissimum. Folia in balnei formam decocta tumoris resolvunt ædematosos; incantatisque succurrunt hominibus; quod idem præstat ex aqua orizæ contrita radix, alias oleorum inserviens coctioni.

## TAB. XXIV.

Fructus atque semen hujus *Perin-Curigil* videtur quodammodo convenire cum x i r. exoticorum fructuum speciebus, de quibus Clusius in Exotic.

[L. 2. C. 16. cæterum de hac arbore nulla fit apud ullos auctores mentio.



KARIN-

*Karim-Tagera* Lat.


கரிமதேரு Mal.

Titi

தீ

Bra.

فخاريم شراب Arab.





## KARIN-TAGERA.

## TAB. XXV.




Uæ *Karin-Tagera* nomine Malabarenfibus, *Titi* ac *Ebormo* Brachmanibus, *Tagera dimato* Lufitanis, *Wild Glidbont* Belgis audit, humilis, corrylo fimillima, species *Tagera* Tab. LII. & LIII. voluminis secundi descriptæ habetur, quacum etiam quod ad *folia* plane convenit, excepto quod hujus rotundis oris leviter sinuatis sint. *Flores* papilionacei, diffformes candidi, tetraphylli apparent. *Siliquæ*, cum ceterarum rectæ sint, hæ incurvatæ fabas furvas nitentes continent. Montosis locis in *Candenate* aliisque regionibus familiaris est, semper videntium habetur in numero. Usus plane ignotus nisi quod è radice paratum oleum capillorum resistat profluvio.


## TAB. XXV.

Hæc est secunda *Tageræ* species ut prodit Autor noster. Itaque Lectorem ad notas nostras in secundum tomum remittimus, solummodo dicemus in duabus hisce speciebus magnam esse formæ diffe-

rentiam quare quoque hæc *Karin-Tagera* habetur ejusdem cum aliis speciei sylvestris. Omnesque hæc *Tageræ* species videntur ejusdem generis, cum Uxana Pauli Ammani in *Charactere plantarum*. F. 443.



*Paori* Lat.  
ਪੌਰੀ Mal.  
*Paari*  
पाड़ी Bra.  
پاٹری Arab.





## P A D R I.

## TAB. XXVI.



*P*Adri Malabarenfibus, *Bovatti* item *Padri* Brachmanis, *Favas da Cobre* Lusitanis, *Adderbonen* Belgis denominatæ arbori, decem hominum altitudo est, crassities unius; *Rami* teneriores virides ligno albineo, similique medulla, circa medium flavâ, constant. *Radicis*, cortex, folia, fructus plane insipida, atque inodora. *Folia* è rotunda basi acuminata, spissa, mollia, prona superficie dilutiora, supina fusca, (ubi venarum porcis, medianâ lignosâ è costâ aliquot numero diductis striantur) gemella ubique, pedunculis è spadiceo nigris, communibus cubitum propemodum longis, spadiceis quoque, geniculatisque adhærent furculis. Ast propriis furculis, plures ordine geminato, tenuibus petiolis adfiguntur perfecti *flores* lutei, cariophyllos imitantes, quinis, e calyce subruffo prodeuntes foliis, circa oras, ubi pallent, crispatis, venulas in adverso latere habentibus, lanugine cana ac molli obductis. Quatuor iis tenuia, candida, longioribus croceis instrata apicibus stamina sunt; Stilus paullo eminentior è viridi albens, circa imam crassior, supremam strictior partem. E floribus prognatæ *Siliquæ* è longo angustæ, longitudinis trium spithamarum, quadratæ sunt, angulis ipsis acutis eminentibus, contortæ, cortice è fusco nitente, maculis interperso, substantia duro, filamentis intus pertexto ligneis. Semina ipsa oblonga lignosaque sunt; insipida, odoris exfortia. Montosis frequens locis in *Teckencon*, *Calicolang*, aliisque Provinciis exsurgit. Floret Januario, fructus leguntur Aprili, Majorque. Longæva in præcellam excrescit altitudinem. Si

medicum spectes usum, viscerum rigorem intolerabilem dispellit foliorum decoctum. Limonis hujusque commixti succi medentur mania. Corticis vero succus, cum fructu Peræ subactus, immodicum inhibet fluxum menstruum. Radicis cutis cum calamo aromatico, zinzibere contrita, foliorumque Padri succo admixta exhibetur morsis à putrefaciente colubro, Malabarensisbus *Polenga* dicto.

## TAB. XXIII.

De hac arbore parum mihi satis faciunt auctores, *ris Lobi*, verum nulla certitudo dari potest, cum nisi istæ forent siliquæ, quas describit Clusius imperfecta sit descriptio.  
Exot. L. III. C. XVII. Sub nomine *quadrangula*



KEDAN.




*Kidangu* Lat.

කිසිස Mal.

*Kananga*

ಕಂಞ Bra.

قنداق Arab.



## K E D A N G U.

## TAB. XXVII.



Alabarenſibus *Kedangu*, Brachmanis *Kenanga* Luſitanis, *Fruita d'Agarao*, Belgis *Spinnekoppen* dictus, duos homines altitudine æquans frutex eſt, trunco craſſo ſemipedali, ligno candente, medulla vero viridi, libro, ubi ſiccus eſt, cinereo, intus virente. *Rami* autem cortice glabro nitente, venis rubentibus ſtriato, teneriores, hirtulo obducuntur. *Radix* perquam fibroſa in tranſverſum diffunditur. *Folia* tenuia, lenia, è longo anguſta, pollicem longa, anterieus rotunda, ſupina parte ſulca, pronâ vero dilutiora, hirtuta ubi talis quoque in cuſpidem exiens multipliciter diviſa coſta conſpicitur; *Tſjapangam* modo communibus ſurculis adhærent, deceſſoque jam die collabuntur: ſapor iis ſubadſtringens. Inodori, ſlavi, papileonacei, plures ex uno prorumpunt petiolo *ſlores* tetrapetali; quorum unum exterius internigrans, interius flavescens ſolum eſt; duo vero anguſtiora atque erecta flavo colore ſatura, quartum è viridi atque albedo nitens, ſunt. *Stilus* ex albo nitens & circa medium inflexus in novem filamenta ſubflavis apicibus dotata finditur. *Siliqua* ſpithama longiores quamvis anguſtiſſimæ valdeque contortæ, dura ac ſpinofa cuſpide donatæ virides primò languidæque ſunt, ſeminalibus oculis, ab interiori cartilaginea contracta pelle productis, ſepimentis ſeminum efficientibus, protuberantes; aſt veteraſcentibus iis evaneſcunt ac ſubſident extuberantiæ, ipſæ vero ſiliquæ elongantur, rigidaque incurvatura inflectuntur. *Fabæ* primum è viridi nitentes, exſiccata perquam parvæ ſunt; coloris è cinereo fulci nitentis; ſaporis nullius.

Pars VI.

B b

Mo. Bot. Garden,

1893

vel



vel plane sylvestris. Natale solum diligit limosum udumque, ad urbem *Cochin, Nari*, aliisque frequens est locis; Florens mense Martio, fructus Decembri leguntur. Vires si spectemus, cum proxime descripta arbore conveniunt; teneriores tamen filiquæ calefaciunt intestina. Confectum balneum è foliis, omnes discutit tumores. Epileptici, aphthisque laborantes pueri, florum succo facillime curantur.

## T A B. XXVII.

Arbor hæc habenda est *Coluteæ* species; ideoque nobis vocata *Colutea Siliquosa Malabaricusis*.



Alpam Lat.  
 അപ്പം Mal.  
 Apama Bra.  
 حبه الله Arab.





## A L P A M.

## TAB. XXVIII.



Alabaræi *Alpam*, Brachmæ *Apama* item *Pabiora*, Lusitani *Fruta Tirilha*, Batavi *Manerik* vocant fruticem, cujus caudex nonnunquam bis terve divisus, cortice vestitur è cinereo viridi, inodoro, acido adstringentique. *Rami* ligno albicante, medulla viridi perfosso, nodis interstincti sunt. *Radix* rubra in capillaceas deducta fibras undique se diffundit. *Folia* ex oblongo angusta, in cuspidem exeuntia, superne saturo virore nientia, inferne furdiora, costâ majori ramulosâ venis, nervisque intertexta, crassis, curtis interius planis, singula duntaxat adhærent petiolis. Odore sunt haud ingrato, sapore subacri. E purpureo nigelli, inodori, rotundis ac tenuissimis è petiolis prorumpunt *flores* bininternive sæpe conjuncti, tribus latioribus cuspidatis constantes foliolis, externe niveis obductis pilis; quorum in medio conspicitur trifariam oblongis, transversis, rubris staminibus, divisus stylus. Floribus cuspidatæ teretesque pulpam carnosam absque seminibus conspicuis saltem, continentes, subcrescunt *siliqua*. Locis delectatur arenosis & apricis. In *Aregatti* & *Mondabelle* aliisque locis copiosus est. Flores fructusque in anni tam exodio quam exordio, frondes semper apparent. Quodcunque hujus fruticis cum oleo in unguentum redegeris ad psoam, vetustissimaque valet ulcera. Foliorum succus cum calamo aromatico contra serpentium exhibetur venenum. Speciatim vero reguli serpentis (Cobra Capella) veneno resistit radix ex limonis contrita succo, in nodulum ligata,

naribusque pro errhino immiffa. Ejusdem junioris colubri infringitur virus eadem radice cum vaccino lacte propinata: quem in finem etiam cataplafmata è calamo aromatico atque hac radice confecta adhibentur.

## T A B. XXVIII.

Siliqua hujus arboris valde parvis feminibus repleta est.






Nir-Pongelion Lat.  
 ചിരഞ്ചിതകുളി Mal.

Sing.

சிகி  
 نازيانچيلىسم Arab.







dinem intercepto in quatuor mox transversim in plures divisæ cellulas, semina includunt è longo angusta, superficie qua sibi mutuo incumbunt, valde plana, materie duriora, lignosa, primum albidula, ubi siccescunt rubentia. Humido limosoque gaudens loco, *Oedamperea* aliisque locis in fruticetis invenitur. Flores mense Aprili sequentibusque, nonnunquam bis in anno prodeunt, fructus Septembri Martiove mensibus. Semper virens triginta complet annos. Fructibus delectantur psittaci: è ramis radiceque confecta retia, corticis decocto sububro, ea conservare assuevere piscatores. Fructus vero nucleus cum exsiccato zinzibere, radice fructuve Pavetæ contritus, mediante orisæ lotura, spasmodicis affectibus Malabaræi *Padda venera* vocant, laboranti parti, applicandum, egregium linimentum suppeditat.

## TAB. XXIX.


*Flos Nyr-Porgellonis Datura* est formam referens floris *Monopetali*.



Isora-Murri

ഇമ്പാഴു

بنهر مؤلج





## ISORA - MURRI.

## TAB. XXX.



Uem Malabaræi *Isora-Murri*, Brachmæ *Tan-nini*, Lusitani *Pao de chanco*, Belgæ *Schroefboonen* nominant fruticem, pruni altitudinem æquat. *Ramis* est cortice crasso, duro, colore cinereo, intus virenti, sapore sub amaro obductis, ligno duro, candidoque. *Ra-dix* flava, gustu amara, olfactu haud ingrata. *Folia* crassiora, rigida, supina parte hirsuta, aspera, mori æmula, lata, per ambitum crenata, vel plura, vel solitaria, brevibus capillatisque pediculis è viridi fuscis, ipsis ramis insistent; costæ utrimque eminentes, tres quatuorve è petiolo prodeuntes, in minores se diffundunt, gustu amaricant. *Flores*, hinc inde ramorum è nodulis vel singuli, vel bini, vel terni pluresve simul brevioribus, rigidis, scabris, luteis pediculis, erumpunt, inodori, tenuibus & translucidis, colore aureis, constantes foliis; horum unum stylo accumbens erigitur petalum, quatuor vero lateralium instar alarum expansorum, duo minora angustiorave oblique attolluntur, duo inferiora latiora atque ampliora, subtus atris aspersa maculis, deorsum incurvantur. Hæc inter aureolum, ast inflexum, virescens procerior stylus extollit caput. *Fructus* autem styli capitulo transversus velut pedunculo inhaerent digitales, è sex velut funiculis, in quos præ siccitate postea se resolvunt, spirali modo in conum formam contorti. Semina plura è viridi fusca funiculis singulis inclusa continentur. Arenosis proveniens locis, singulare non postulat solum; conspicitur inter *Cranganoor* & *Mangatti* ut in aliis regionibus sed rarior. Februario Sextilique mensibus flores, continuo

fere maturum exhibet semen. Frondes ei nunquam decidunt. Vires autem egregias in empyemate stomachique affectibus præstat radicis succus, vel ipsa forinsecus adhibita. In exanthemate, quoque & paneritio similibusque vitiis summopere conducere fertur.


## T A B. XXX.

Zanonius 13. Cap. *Histories Botanice* de hac arbore videtur in suo catalogo indicare nomine *Iger-Murri*; Verum autumo malam orthographiam solummodo hoc discrimen causare.






*Kandel*



Kandel Lat  
 கரண்டி Mal  
 Candelo  
 कंदल Bra  
 قندل Arab





## C A N D E L.

## TAB. XXXI. &amp; XXXII.



*Andel* Malabarenfibus, *Candalo* Brachmani-  
bus, *Paò Salgado Macho* Lusitanis, *Runboom*, &  
*Kandele* Batavis dictus, frutex hominis im-  
plet complexum, tantoque numero no-  
vos è flagellis prono pondere deflexis, ter-  
ræque superficiei dumtaxat leviter insertis,  
velut stolones erumpentes, emittit stipites, ut ipsam ma-  
trem difficillime queas invenire. *Ramorum* geniculorum  
lignum intus duritiæ firmæ, cortex cinericeus, intus  
rubens, exterius fuscus est. Ipsi autem rami ut & furculi  
inconum fastigiati, folioso involucro tenerum germen  
involve in superiori parte foliis abundant, inferiori  
destituuntur. *Folia* gemella, ordine decussato, petiolis,  
longiusculis, è viridi dilutis, interius carinatis, longa,  
aculeata, densa, solida, superficie utraque præplana  
glabraque virore in recta parte pene fusco nitenti, in ad-  
versa dilutiore, in geniculis prodeunt: costa media crassa,  
in pronâ solummodo eminens multas subtiles venulas in-  
tus ipsum folium subeuntes, externe haud conspicuas, re-  
lictæ ad marginem limbulo, parallelo ductu at obliquo  
anteriora versus decurrentes, producit. Sapor sylvestris  
& adstringens. *Flores* rosis proximi è flavo rubicundi, duo-  
decim petalis rigidioribus, oblongis, erectis, introrsum  
quodammodo contractis, ac duabus cuspidibus antierius  
eminentibus, ut & filamentis è croceo infusum vergen-  
tibus constantes, in foliorum exortu prorumpunt. Plu-  
rima vero in medio stamina longis elatissime apicibus è ru-  
fo albicantibus, capitata conspiciuntur. Insuper languide  
albens stylus ex umbilico exurgens. Eorum calix oblon-  
gus in duodena angustiora, acuminata, crassa, rigida di-

visus folia, ex parte viridis, ex parte rosaceûs externe, interne exalbicans est. Gemmæ vero elongæ, cuspidatæ duo stamina intra foliorum unguiculos recondita, si divideris exhibent. Deciduis floribus succrescunt *fructus* spithamam longi, pollicem crassi, rotundi, clementer in acumen exeuntes, prope calicem crassiores, cortice spisso, & subfusco, carne intus alba ac lignosa, quodammodo fungosa, medulla intermedia rubra; si, quod facile fit, frangas, intus vides pilis eminentibus levissimis candidis obfitos, germen velut furculum foliaceum viridem continentes. Hi si in terram arenosam decidunt ut cuspis inhæreat, aculeo in commissura solutô, mox radices agunt & in plantam adolescunt. Terra falsa & arenosa huic generi arborum apta, unde in ripis falsorum lacuum, fluviorum, ceterisque locis paludosis, præsertim *Cochin* frequens est. à bimatu fert maxima anni parte fructus, flores autem semper, quinquagenaria moritur. Radices lineorum inserviunt tincturis, ut folia agrorum stercorationi. Cortex, quo utuntur coriarii & lotrices ad vestes purgandas, si ex oleo teratur donec crassitudo fordium fiat, illitu finit artuum lassitudines. At lacte & butyro recente exceptus, opitulatur ex hepate albo (ut vulgus loqui amat) læsis; si applicetur.






*Kari Kandel* Lat.

കരി കണ്ടൽ Mal.

*Sabo-Candelò*

कार्दंडा Bra.

قارن فياض Arab.



## KARII-KANDEL seu KANIL-KANDEL.


## TAB. XXXIII.



Uæ nomine, *Karii-Kandel* seu *Kanil-Kandel* apud Malabarenſes, *Sarvo Candalo* Brachmas, *Salgeira Sativo* Luſitanos, *Tamme Runboon* Belgas venit arbuſcula, mox deſcriptarum ſpecies eſt, iſcum plane conveniens, niſi quod altitudine ternos ſuperet homines, neque in tot dividatur ſtipites. *Folia* figurâ prorſus eadem, aſt longe minora, adeo ut quatuor aut quinque demum pollicum ſint, petiolis minoribus imponuntur. *Flores*, è calyce oſto laciniis, quæ remanentes, ſe retro ſeſcunt, præditi, candidi, ſupra foliorum exortus terni, ramis bini pediculo innixi prodeunt, oſto etiam habentes acuminata petala, *ſtamina* exalbida, rubris exornata apicibus. *Fructus* autem ut in proximis per omnia iidem, excepto quod digiti minoris latitudine craſſitieque ſint, teneriores cortice viridi, vetuſtiores è rubro cærulei. Loca uliginofa valde deſiderat, frequens ideoque in *Portea* aliifque locis. Annotina fructifera fertur, ut & quinquaginta implere annos. Decidui fructus, ut in *Candel* eodem modo ſe irradiant: teneriores in eduliis ſunt, Caril in ſole exſiccati etiam cum nucis nticleo eduntur. Cortex autem in ſero lactis decoctus inteſtinorum tormina, dolores, flatuſque, tollit. Huic ut & fructibus affuſus *Beladambu* ſuceus, oleum *Marotti* in vulnerarium unguentum coquuntur. Eidem ſi cortices minutulæ nucis Indicæ ac viridi-areſcæ fructui additi, contritique ex aqua decoquantur pura, aphthis, ſi os ea eluatur ſæpius, medentur.



*Pistia stratiotes*  
*Pistia stratiotes*  
பீ-காண்டல்  
பீ-காண்டல்  
பீ-காண்டல்  
பீ-காண்டல்



## P E E - K A N D E L.

## TAB. XXXIV.




Uam *Pee-Kandel* Malabarenfes, *Ala candalo* Bragmanes, *Salgeira Mainato* Lufitani, *Wilde Runboom* Belgæ vocant, proxime descriptarum species, pluribus stipitibus fruticescens, trium hominum longitudine est. *Folia*, quæ ni maiora, crassioraque essent, mox

enarratarum poterant videri, pronâ parte dilutiora, internigrantia, crassis, è viridi albicantibus appendentia pedunculis, costâ perquam crassa, atque eminente donantur. Sapor sylvestris atque adstringens. *Flores*, è calyce crasso, rigido, quater infecto, bini & binierumpentes, candidi, postea tamen rubescentes, curto rubenteque pediolo, communi virenti inseruntur; constanthi quatuor ex oblongo angustis, cuspidatis, circa oras lanuginosis hirsutisque petalis, in calyce farina alba quasi conspersis. Apicibus vero duodecim, decem, novem, rarissime undecim, elevatis, acuminatis, luteis, brevissimis staminulis insistentibus, medium una cum globulo factus primordium continente occupantibus. Odor quamvis debilis non equidem ingratus. *Fructus* oblongiores cæteris, longitudine enim duas vel saltem sesqui spithamam excedunt, crassioresque sunt, præsertim circa apicem leviter fastigiatum. Teneriores virent, dein una ex parte cortice rubescente, capitulo crasso, oblongo, angustoque sunt collo, cui mediante articulatione fructus alligantur, intra orificium suum surculum foliaceum, exiguum, aculeatum, rubrum, qui ex fructus procedit umbilico, recondentes. Eodem modo, ut in aliis *Candel*, decidui fructus se solo irradiant. Ad *Cochin* ac *Cranganoor* copiosa est. Vires ususque cum proximè descripta coincidunt.



*Tsjerri Kandel* Lat.  
 ഓളം കണ്ടൽ . Mal.  
*Candelo*  
 कंदक  
 جيرهو قاندهل Arab.




## T S J E R O U - K A N D E L.

T A B. XXXV.




*Sjerou-Kandel* Malabaræi, *Maha-Candalo* Brachmanes, *Salgeira Mayor* Lusitani, *Water Runboom* Belgis dictæ, intra septem pedes consistit longitudo. *Folia* gemina opposita, brevibus pedunculis inhærent plane quod ad texturam eadem, nisi quod longiora, orisque sint rotundis. *Floris* exalbidi quina, petila, crassa, rigidiuscula, stellæ in modum expanduntur folia, quorum ex interstitiis numerosa, nivea, productiora fuscis capitibus nodulata, filamentis crispis & candentibus concomitata, erumpunt stamina, quibus adest bifidus candens stilus. Odor non ingratus sed debilior est. *Fructus* sunt simillimi *Pee-Candel*. Salsa petit loca aquosaque. In *Paroe* aliisque locis plurima est. Lignum combustioni inservit; cortex vero cum exsiccatoin zinzibere aut pipere longo, *tripali* vocant indigenæ, & aqua rosarum contritus, diabetem curat.





*Pou-Kandel* Lat.  
കണ്ടൽ Mal.  
*Candelò*  
कादळ Bra.  
بجوف خاضع Arab.



## P O U - K A N D E L.

TAB. XXXVI.




*Ou-Kandel* Malabarenfes , *Siri-Candelo* Brachmani, *Salgeira Fermea* Lufitani, *Kleyne Runboom* Belgæ dicunt, priorum fimillima, altitudine duorum hominum eft, paucioribus ftirpibus è radice protuberans. *Folia* cum fingula, tum gemina, rubris brevibusque adnata petiolis, cæterorum formam & texturam habent, excepto quod oris plane fint rotundis. *Flores* præ cæteris teneri, candicantes, pentapetali, conjunctim è pedusculis gracilibus è viridi dilutis, dependent, foliis retro fe flectentibus. Stamina quina, candida, apicibus grandiusculis, exalbo cinereis, ftriatis parumper & intortis, una cum ftvlo niveo, acuto, prodeunt. Ob gratiffimum odorem pluris veneunt. *Fructus* combinati, eandem cum cæteris habent formam, quamvis paullo funt minores leviterque incurvati, & in acumen definentes. Per totum Malabaricum regnum copiofe provenit; frutici longævo femper flores funt, quibus gentiles, *Corinbins* dicti, exornantur. Medicos non habet ufus.





*Kida-Kandel* Lat.  
കന കറണ്ട Mal.  
قندل قاضح Arab.



## K A D A - K A N D E L.

## TAB. XXXVII.



*Ara-Kandel* Malabarenfibus, *Tara-Candelo* Brachmanibus, *Salgeira falza* Lusitanis, *Bastert Runboom* Belgis dictus frutex, ramos habet è fusco atros. *Folia* crassa, glabra, oblonga, antè leviter sinuosa, rariusque incisa, alternatim ramos ambientia, costa media, nullas conspicuas fundente venas, subtus obducuntur. *Flores* quaternorum quinorumve foliolorum, candidi, hyacinthino more, propriis innitentes furculis, stamina quinque albula, rufis donata capitibus, è foliorum interstitiis erumpentia, & stylum habent viridiusculum. Floribus insequentes deciduis virides, oblongi, fructus sunt, utrimque perplani, duri, filamentis ligneis pertexti, virentem habentes medullam, in flore vero calices constituentes. *Arenosum* diligit solum. Circa *Waropoli*, quamvis & aliis in locis, multa est. Ignotarum habetur virium.

## TAB. 31, 32, 33, 34, 35, 36, 37.


Omnes arbores ab auctore nomine *Kandel* descriptæ, longe à se invicem differunt; Zanonius Cap. 13. loquitur de diversis speciebus, nomine *Kandel Kandel-beri*, & *Kandel speciei altera* &c.





*Sina Parelli Mal.*  
*Rosa de Sina Portug.*  
*Madjani* *Bra.*

मद्यपाने





*Alina Parelli*



*Marcellus Spivator in. fecit.*

*J. Appelman Sculpit.*




*Hina Paretti*





*Alina Paretti*





*Aina Paretti*



## H I N A P A R E T I.

TAB. XXXVIII, XXXIX, XL, XLI, XLII.



**A**Rbuseula à Malabarensisbus *Hina Pareti*, Brachmis *Madjani*, Lusitanis *Rosae China*, Belgis *Sineesche Roseboom* vocata, tam accurate à Joanne Baptista Ferrario Lib. iv. quos de Hortorum cultura reliquit, describitur, ut nihil superaddi queat, quapropter ejusdem verba subjecimus. *Radix*, albida, *inquit*, lignosa, numerosis implexisque fibris ad summam usque tellurem capillata, ramoso divortio simul una & multiplex, præpositi situs arborem subterraneam, ejusque, quam parit ac sustinet, similem congeminat. Abradice caudex pallidus simplex, & lævis frequentibus subinde distinctus oculis connivet, quibus gemmaret in ramulos, nisi cultrix vigilantia cæcatum in teretem proceritatem educeret. Ubi truncus desinit, concolores frondentesque rami, virgea prolixitudine sublimiter lateque porrecti, una nemus arbore faciunt. Caudicis ramorumque materies instar ficulnæ candida & carnosam modice durescit. *Folia* magnitudine pampineis, asperitate ficulneis, figura utrisque, aut potius hederaceis angulosis consimilia, sed tamen crenata, in ipsa rotunditate, angulos & sinus habent: superiore parte herbido virent colore, inferiore candicant: ramosis utrimque nervis ac venis ex viridi pallentibus distinguuntur, sua ipsa utrinque lanugine asperantur: asperis itidem, crassis, prælongis, ac sæpe palmaribus, primo virentibus, tum superiore parte pediculis subrubentibus nituntur: & raris intervallis disposita sic racemos fere convestiunt, ut bina invicem opponantur, alio deinde bina, qui priori contrarius sit, sejungantur oppositu: atque ita geminatione alterna ordo foliorum decussetur. Ver-



rum; ut ingenua foliis asperitas minuta non manibus modo, sed oculis quoque contrectata exploratissima esset; lynceum exploratorem, nempe microscopium, five conspiciendum tubulatum consulimus, quod ab ima parte suffultum ad breve intervallum subdita corpuscula, ingentem in molem amplificata, suisque distincte partibus coagmentata, superne intuentibus demonstrat. Hocigitur monstrante, in parte folii supina majusculorum nervorum pulvini & mediocriter virides, & albicantibus tanquam stellulis incomposite distincti visuntur. Reliqua vero area inæquales & multiformes in areolas, alba humilique lanugine opertas, & rufis atque eminulis, velut lenticularibus verruculis aspersas, angustis quoque ac virentibus mæandris, tenuioribus nimirum venis five fibris interstinctas extenditur. Sed pronæ partis torosi nervuli diluta in viriditate candore simili stellati sunt; & reliquum folium pariter lanuginosum ac verrucosum est. Pediculus quoque subviridis, brevique lanugine hirsutus, cum albida, tum subrubicunda scabritie exasperatur. Ab æquinoctio verno in germina oculi turgent. Convoluta foliola primum apparent, quibus paulatim sese tum explicantibus tum amplificantibus virgei subeunt ramuli, assiduo partu, dum adolescunt & roborascunt, è gemmis folia trudentes. Quin etiam non raro fit, ut ex eadem gemma fraterculus folio ramusculus adnascatur. Sic toto ferme anno foliorum ramorumque perpetuo proventu ad hibernum usque solstitium Rosa Sinica silvescit. Atque hoc tandem tempore, cum contra frigora oportuit esse vestitissimam, foliis subinde dilabentibus nuda hiemat: ac, nisi loci situ aut artis ope protegatur, facile gelu aduritur, atque etiam interit. Quod si clementior bruma prætepeat, vixdum veteribus amissis, novarum in frondium præperum gemmat ornatum. Tertio à satione anno florere cæpit. Quamquam, difficili jam ingenio mitigato, bima præflorete. Ea *floris* initia progressusque sunt. Septembri mense per autumnæ æquinoctium è pusillis cum foliis, tum

floreis

floreis alabastris confusæ paniculæ existunt: mox, incremento singula discriminante, calyces complusculi, feni plerumque vel octoni, modicis suffulti petiolis intelliguntur, quorum calycum plerique summis è ramis, pauciores proximis è gemmis cum præviis frondibus una eminent. Forma illis nondum oscitantibus globosa, quinis compactilis & quasi cristata eminulis commissuris, quæ medios circum alabaistros inchoatæ acuta coitione fastigiantur in summo. Color iisdem alabastris ab ea parte, qua pediculis insident, ad imas usque commissuras viridis, inde ad summas ex viridi rubens. Pediculi, qua præsertim parte supini solem aspiciunt, subrubicundi; quia calycibus adnectuntur, crassiores, tandem panduntur foliaceas in stellas, octonis densive virentibus, iisque planis radiis rosarum calyces excepturas. Nam peregrinæ formositatis flori stellæ ipsæ famulare gestiunt in obsequium subjacere. Ubi ferme ad nucis juglandis magnitudinem isti extumescere papillati corymbi in lacteum florem extimis foliis, intimorumque nonnullorum oris subrubentibus, avare dehiscunt. Mox totam sese pandit ad Batavæ rosæ amplitudinem, repando calyci, sæpius quinque partito, & in lateræ formam nonnihil sinuoso insidens varia, serie foliorum ramulosis rugis crispantium speciosa, triplicisque coloris vicissitudine speciosior Sinensis rosa, florum Vertumnus, hortense miraculum. Rosa hæc primo lactea decenter nascitur: decet enim floris infantiam lac. Albo deinde rubroque temperatis coloribus, in oris humani formosam temperiem transformatur, ut hominibus charissima sit, quibus concolor est. Tandem candido vultu paulo antenata, purpureo moritur, ut pavide morientibus exprobraret iracundo rubore pallorem. Nostrate tamen sub cælo, ut potè minus, quam Indicum sit, propitio eadem rosa dilutiore purpura coloratur. In patrio Indiæ solo una die, quam unicam vivit, hæc veluti florum dies matutino cum meridiano ardore flammeola est, cum luce noctescente purpurat: ut, quando unum ægrenovum



vum colorem in pluribus flosculis longo tempore ars æmula elaborat, admirandas triplicis coloris in uno flore vires properare unius esse dieculæ sibi minime laboriosum ludum victrix natura significet. At vero nostratibus in hortis hospes biduo triduo ve vivax diuturniorem florei miraculi copiam facit, ut cumulatiorem hospitii gratiam lento sui spectaculo rependat. Quamquam utrobique monet è candido mox purpureus flos, ab ingenuo candore facilem esse transitum ad purpuram. Floris autem jam purpurea folia, ut poma solent, ad maturitatis indicium (deceat enim maxime purpuram maturitas) humore tenuissimo evanescente, non nihil connivent & corrugantur; donec tristius infuscata, penitusque contracta deflorescant. Amoenissimæ spectaculum voluptatis est, alieno tempore sic vernare arbusculam, ut coloribus multis quadruplicem anni faciem simul expingat, dum flos alius niveus nivofam hiemem, alius flammeus igneam æstatem, purpureus alius maturum autumnum, alii medio qua vitæ qua colorum transitu varii varie coloratum ver, universi denique singulique versi colores tempestatum omnium vicissitudinum intra tempus brevissimum colorant. Hactenus Ferrarius, è quo dum descriptio nostris tabulis non fuerit addita, cetera peti possunt debentque. Continuo frondens ac florifera in hortis solummodo colitur, delectaturque frequente irrigatione & putatione.

TAB. XXXVIII, XXXIX, XL, XLI, XLII.

Rosa Sinensis, aliis Chinenfis Malvæ, seu Althææ arboreæ species nequitiam ad Rosas pertinet, siquidem omnes notæ characteristice indicant genus esse malvæ seu Althææ quamobrem doctissimo Morisoni (Hisor. Oxoniens. p. 530) rectissime vocatur *Althæa Rosa Sinensis*. Ad Tab. XXI. partis secundæ hujusce Horti Malabarici notavi *Schem-pariti* esse

speciem *Rosæ Sinensis Ferrarii* non vero eandem, quod nonnulli putavere, A° 1610. LXXXIV. in horto Amstelædamenti Medico quasdam Althæas Roseas Sinenses, ad sex septemve pedes adultas conspexi; quarum semen sub nomine Rosæ Brasiliensis mihi ex Brasilia, ubi frequentissimæ sunt, fuit missum.



Ain-Pariti Lat.  
 ॐ ॐ ॐ ॐ Mal.  
 Defura.  
 दोरुण Bra.  
 عيون باريطي Arab.



## AIN-PARITI.

## TAB. XLIII.



Alabarensibus *Ain-Pariti*, Brachmanibus *Desura & Kaprasila*, Lusitanis *Futa do Sapato Macho*, Belgis *Enkelde Schoenroos* nominatus frutex plane *Bem-pariti* similis est, & non nisi arte aut cultura in arborem adolefcit. Flos tamen simplex coccinei intense rutilantis coloris, in eo differt, quod quinis constat petalis latioribus, rotundis, & crispis, circa unguiculos rubenti macula confpersis. In quinque pusilla, villosa filamenta, quæ capitulis è fusco gaudent purpureis, dispertitur subpurpureus stylus, qui in summitate multis staminulis, semilunatis apicibus exornatis, circumtegitur; infra vero si flos plenus fuerit, petalis interioribus. Ob florum gratiam per totam Indiam in hortis colitur. Estque longæva, & ubi octo vel decem annorum complevit ætatem, flos è simplici evadit plenus, quo ethnici utuntur in cæremoniis. Contrita folia atque ex aqua exhibita iis qui ex variolis febricitant, eorum copiosam inhibent eruptionem, præcordiorum temperant æstum, cum butyro nimium menstruum fluxum; ex oleo cum foliis *Curu mulli* coacta, unguentum præstant vulneribus aptum. Ex florum gemmis decoctum mulieres reddit steriles. Ipsæ autem oculis illitæ ophthalmiam tollunt. At flores aperti recentisque ex butyro triti, aphthis mederi incolis dicuntur.

## TAB. XLIII.

*Ain pariti* species est *Bem-pariti* vel *Schem-pariti* parte secunda Tab. xvi. descriptæ, solummodo diffrens quod hujus flores simplices, alterius duplices sint, ambæque referri debent ad *pariti* primo volumine descriptas, quo B. L. remittimus, sub-

jicientes tantummodo hanc *Ain pariti* esse *Rosam Batavicam-Indicam inodoram*, seu *malvum frutescentem* Bonatii, quem vide, *Histor. Natur & Med. Ind. Orient.* Lib. vi. c. xlv.

HORTUS MALABARICUS

*Narinaria pouillii* Lac.

० ४४ ४ ३३ Mal.


Ambetti

आबटी

Bra.

محقرنخون

Arab.





## N A R I N A M . P O U L L I

## T A B. XLIV.



*Arinam-Poulli* Malabaræis, *Ambetti* Bragmis, *Fula Gasinhota* Lusitanis, *Krabbendoorn* Batavis nuncupatus frutex, rubi more luxuriat, cauliculis rubescentibus, spinis ejusdem coloris licet interalbicent, perquam acutis, ut *Intsia* Tab. i v. descripta, obsitis. *Folia* cras-

sa, oblonga, in tres cuspidatas lacinias, quarum media pro-  
tenditur, divisa, villosa, aspera, in oris ferrata sunt: ho-  
rum ternæ senticosæ, è viridi rubentes costulæ in parte su-  
pina, ubi quoque protuberant, spinis carentes, in pronâ  
magis eminent. Novella hæc teneraque folia non incidun-  
tur, ast in cuspidem exeunt, quæ quo vetustiora eo pro-  
fundius infecantur. *Flores* ex albedo flavescentes, petiolis  
qui juxta foliaceorum surculorum exortum prodeunt, ad-  
hærent triuncialibus: quinis constantes petalis, leviter cri-  
spatis, venis prominentibus striatis, maculis autem gran-  
diusculis è rubicundo obscuris, quæ circa oras exterius  
transparent, interstinctis. Exsurgens spissus, rubicundus-  
que stylus in ambitu flaminulis rubris, quæ majuscula è  
croceo rubra habent capitula, circumdatur, & in summi-  
tate quinquies dividitur. Florem involvens perianthium  
quinque laciniarum, pilis candidis, oblongis, rigidis as-  
perum est; hocque decem elongi, angusti, pilosi, cu-  
bitali modo inflexi unguiculi coarctant. Odor ipsis nullus.  
Floribus deciduis *capsula* succrescunt *seminales* conicæ, pilis  
candidis villosæ, perianthii foliolis obtektæ, quæ sicces-  
centes in quinque conceptacula sejunguntur; quorum in  
singulo semina intersepimento mediastino inhærent. Fo-

liis ac floribus numquam denudatur. Per universum Malabar regnum in locis arenosis plurimusest. Folium hujus fruticis oculorum pterygio impositum, submovet. At ex foliis hisce, adjectis pipere, zinzibere, lacte, nucisque Indicæ succo, expressus liquor, resistit fluxionibus. Plantæ pedis æstus balneo ex radice parato facile discutitur.

## TAB. XLIV.


*Narinam pulli* annumeratur generibus Alceæ unde & optime *Alcea Indica spinosa magniflore ex albida flavescens*, appellari potest.



BELOE-



*Beloeren* Lin.  
 ৩৫৫৫ ৩৭০৫. *Mal.*  
*Tapu-Kodo*  
 ५५८३०. *Bra.*  
 ८६५८, *Arab.*



## B E L O E R E.

## TAB. XLV.




Rutex *Beloere* Malabaræis, *Tapucodo* Brachmanibus, *Fruta Gargantilha* Lusitanis, *Lobhalsen* Batavis nuncupatus, altitudinis duorum triumve pedum est, ramorum è spadiceo fuscorum, lenioribus pilis hirsutorum. *Radix* ejus fibrosa. *Folia* verbasci molliem reddentia, tenuia equidem, è lato acuminata, quibus incisuræ sunt crebriores, longis pilosisque adhærentia pedunculis, ternas habent costas, frequentius subdivisas, in superiore duntaxat eminentes parte. Sapor subacris, odor haud plane ingratus. *Lutei flores*, inflexisque superne petiolis insistentes, qui *Catui-uren* possent videri ni paululum majores essent, quina habent petala è longo latiora, venis rectis striata: exsurgenti è medio stylo, multa sunt staminula tenuia, flava, ex umbilico autem germinis fructus virides erumpentes. Hisce succedunt capita feminalia, quinque virentibus circumsepta foliis, vertice plana, in frequentes, quæ, duo triave plana singulæ continent semina, capsulas feminales, primum rubentes dein nigricantes, linteï collaris (*Belgis een Lob*) more complicata seu carinata, pilisque obsita. Arenarum amans est; semper frondens & florifera. In *Ange Caimal*, uti & in hortis reperitur. Foliorum pulvis intestinis alienus est, hypercatharsin enim excitat facillime. Radix quæ olei inservit alias coctioni, si earundem facultatum ei addas herbas, lepræ prodest; contritum & calide assumptum semen citat alvum.

## TAB. XLV.

Duobus proximis hisce annis c1o1o c l x x x i v. & c1o1o c l x x x v. ex semine in horto urbis Amstelædami Botanico, hancce plantam cultura produximus, sed postquam maturum reddidisset semen, evanuit, minime fruticescens. Species ha-

betur *Abutilon*; similisque describitur à Joachimo Camerario in Horto Medico, & Joanne Bauhino Tom. II. P. III. Pag. 952. sub nomine *Abutilon Indicum*. At flores, leviter tamen differunt.





Katu Balocera  
കുട്ടിയളള വെളി  
Dacula-Bonda-Balo  
பாகுலொடு பசுலொ  
فاحا طو و الفویر

## KATU - BELOEREN.

## TAB. XLVI.



**Q**ui *Katu-Beloeren* Malabarenfibus, *Daculo bonda*  
*calo* Brachmis, *Fruta bareto* Lusitanis, *Jesuite Mutfen*  
 Belgis nuncupatur frutex, mox descriptæ  
*Beloere* stipite, ramis, radice, proxima est. *Fo-*  
*lia* densa, mollia, in quinque divisa cuspi-  
 des, per ambitum serrata, petiolis longio-  
 ribus & pilosis inhærent. Costa quæ tria præcipue habet  
 brachia vix nova spargit. Viror in supina parte obscurus,  
 in prona clarior est. Odor iis ac sapor nullus. *Flores* proten-  
 tis pediculis innitentes, quinis constant petalis, è longo  
 rotundis, quæ è viridi diluto nonnihil flavent, uno in la-  
 tere leniter sinuatis, venis in parte inferiori eminentibus,  
 secundum longitudinem striatis, & rugis minoribus cri-  
 spatis: horum ex umbilico assurgens stylus crassior & lon-  
 gior, coloris purpurei, staminulis circumdatur rubris,  
 quæ gemmas habent ruffas, & in vertice bifariam dividi-  
 tur in filamenta colore purpuram, lenitudine sericum re-  
 ferentia. Calix vero quinque foliorum juxta pedunculum  
 septem, octo, sæpissime novem foliolis angustis succin-  
 gitur. Floribus deciduis è perianthii medio enascuntur  
*capsula seminales* numero quinæ, planæ, pilosæ, nigricantes, in  
 vertice eminentes; hæ propriis loculamentis semina tri-  
 latera quorum duo plana, tertium convexum, coloris è  
 rubro nigricantis includunt. Arenoso lætatur solo. Neque  
 flores, neque frondes umquam ei deficiunt. In *Angeaimal* tre-  
 quens est. Radix olei butyrique inservit confectioni: item  
 ex ea conficiuntur globuli fonticulis non inutiliter immit-  
 tendi: è foliis chirurgi, ut ipsorum utar voce, lavamentum  
 parant ulceribus ac erysipelati convenientissimum.

## TAB. XLV.

*Katu-Beloeren* Alceæ accensetur generibus, sed indescripta quandoquidem hætenus planta sit, nihil de  
 ea dicere potuimus.

Pars VI.

Qq

SJOUAN-



*Tsjovanna Amel Podi* Lat.  
අමෙලකොදි Mal  
ننواضحا سمحله بؤري Arab



## SJOUANNA-AMELPODI.

## TAB. XLVII.



Rbuscula hæc Malabaræis *Sjouanna-Amelpodi*, Brachmis *Matarvi-aloos*, Lusitanis *Talona*, Belgis *Nog liever* dicta, hominis assumit altitudinem; stipes ac rami cinerei sunt coloris. *Radix* fibrosa, cortice ruffo gustu amaricante vestita est. *Folia* quæ curtis, interiusque planis annectuntur pediculis, oblonga, aculeata, densa, folida, lenia, glabra, superne viroris nitentis obscuri, inferne clarioris, costam habent in supina parte paululum, in prona maxime eminentem, quæ laterales parallelas incurvatasque emittit minores. *Flores* perfecti, compositi & uniformes, furculorum albicantium cacumini brevibus petiolis insistent, constantes quinque petalis è longo rotundis, tenuibus, clementer cuspidatis, stellam situ æmulantibus, colore candidissimo: horum in collo pollicari, purpureo, in nodulum circa medium extuberante, quinque stamina flavis capitulis prædita, conspiciuntur; quæ comitatur stilus candiculus, viridi gemma exornatus. Florum vero gemmæ uti & calix in purpureum vergunt colorem. Odor iis deest. Floribus succedunt gemmæ ut plurimum & quasi in unam coalitæ *Bacca*, rarius singulæ, calice arctissimè exceptæ, rotundæ, paululum oppido protentæ, primum virides & glabræ, sed ubi maturuere cortice sunt glabro ac nigredine nitenti, carne in cœruleum inclinata, ossicula duo plana & elonga, si coaluere, alias singulæ singula continentes. In ramulis umbellæ inferioribus fructus prodeunt dum superiores gemmis adhuc aut floribus exornantur. Estque ipsa umbella ob varietatem quodad flores, gemmas, & fructus, visui gratissima. Mon-



tanis delectatur locis, provenitque in *Canenate* & *Mangetti*. Arbor ipsa omnibus horis baccifera est: aliæ enim maturescunt, aliæ turgescunt, aliæ florent. Hujus radix solummodo ad serpentium scorpionumque morsus valet.

## TAB. XLVII.

Proximo ab hoc volumine pag. 65, 66, & 101. | *Amelpodi* videtur *Jasmino inodoro Baccifero* potius an-  
plures plantæ sub nomine *Amelpodi* descriptæ sunt, | numeranda.  
parum cum hac convenientes. Hæc vero *Sjouanna*



BELUT.

*Bellutta Amel-Podi* Lat.

വെളുത്ത മരച്ചുട്ടി Mal.

Sa-Ameli Bra.

بعلطه العرب Arab.





## BELUTTA-AMELPODI.

## TAB. XLVIII.



*Q*ui *Belutta-Amelpodi* Malabaræis, *Sa-ameli*  
*Brachmanibus*, *Marani* Lusitanis, *Groot liever*  
*Belgis* audit frutex, ramis est subviridibus.  
*Folia* contrariis inter se pediculis, furculis  
 innitentia gemina, è longo angusta, acu-  
 minata, ad pedunculum quoque stricta,  
 mollia, spissa, glabra, in superiore parte subviridia, &  
 inferiore dilutiora sunt. Costa quam in recta etiam pro-  
 minentem habent in plures dispertitur. Saporis expertia  
 intus parum lactea sunt. *Flores* in furculorum summitate  
 provenientes quina habent petala oblonga, candidissima,  
 ab uno latere sinuata, ad unguiculos croceo colore leviter  
 tincta. Odor ipsis nullus. Montanis gaudet locis; reperi-  
 turque in *Teckencour* aliisque locis pluribus. Floribus exhi-  
 laratur mense Julio & Augusto, frondibus semper, fru-  
 ctibus vero numquam. Ex aqua, si usum roges medicum,  
 contrita & assumpta radix serpentium occurrit morsibus,  
 si superimponas arthritidi.

## TAB. XLIII.

*Belutta Amelpodi* genus *Jasmini Sylvestris* inodori est.

Tsjeru-Mullà Lin.  
මය දිස ප්‍රේ Mal.  
جفرو ملاء Arab.






## T S J E N I - M U L L A.

TAB. XLIX.

**T** *Sjeni-mulla* Malabarenfibus, *Mamogari* Brachmis & Lusitanis & Belgis, quibus aliquando & *Mogari*, dictus frutex, ramusculos decussato ordine habet geminos, è spadiceo virescentes. *Folia* oblonga, acuminata, crassa, mollia licet, glabra, superne intense virentia, inferne dilutiora, utrimque nitentia, gemella pedunculis curtis inhærent, media eorum costâ viridi, supina in parte eminente. Sapor odore nullus. Suavissimi odoris flores pentapetali, albi, quinque antheris grandiusculis erectis exornati conspiciuntur. Crescit in locis montanis ad *Calare* & *Perate* vidi. Usus hætenus ignoratur.

TAB. XLIX.

Hæc *Jasmini Arabici* habetur genus.



Nalla-Mulla Lat.

ନ ଳ ଚ ଳ Mal.

Mogori

मोगरी Bra.

نَعْلَة مُرَّة Arab.



## NALLA - MULLA.

TAB. L.



Rutex hic qui *Nalla-Mulla* Malabarensibus, *Mogari* Brachmanis, *Fula Mogari* Lusitanis, Belgis dicitur *Moggari*, humi serpit, convoluti ad instar quævis objecta furculis rotundis, viridibus, lignosis, geniculatis, minutissimis & raris pilis obsitis, obvolvens.

*Radix* albicat. *Folia* latiora in cuspidem exeuntia, contextu solida, rigida, glabra, virore utrimque nitentia, numero bina, brevibus & crassis inhærent pedunculis. Intermedia costa venas è viridi flavescentes quaquaversum spergit frequentissimas. Odor ipsis nullus, sapor amarus est. Ex novies inciso calyce angustissimo, furculorum summitatibus innituntur ad tres numero aut plures, *flores* albissimi, septem, octove, sæpius & novem constantes petalis, parte anteriori strictioribus & inflexis. Stamina duo flavo apice dotata, una cum stylo parvo virenti eminent. Ipsi autem flores altero ab apertione die inarescentes rufescunt. Vespertino tempore ob gratissimum odorem in foro empti à mulieribus in corollas & varia ornamenta genera colligantur; quinimo ethnici in sacrificiis eos adhibere sunt consueti. Maxima anni parte florifera, per universam Indiam in hortis propter flores colitur. Fructus, vel raro, vel adultiore ætate demum ferre solet. *Folia* rosarum more distillant aquam, vel oleo infunduntur, quippe cum sint *Jasmini* species, gratissimum fundunt odorem. Hæc si vel sola vel cum radice oleo incocta exhibentur, apestiam emendare dicuntur.

TAB. L.

*Nalla-mulla* est *Sambac Lesmin Arabicum* Prosp. Alpini de *Plant. Egypt.* Cap. xix. & *Syringa Arabica foliis mali aurantii*. Describitur à *Nieuwenhove* in itinerrario, sub nomine *Fula de Mogori*, vel *Muguri*, à

Javanis *Komlans Maleti*, à Chinenisibus *Badiboa* vocata. Propagatur hæc apud nostrates sed difficillime, si *Jasmino* inferatur vulgari.



*Kudda-Mullà* Lat.

കുടാ മുല്ല Mal.

*Doti-Mogeri*

Bra.

دوتی موری

Arab.



## K U D D A - M U L L A .

T A B. L I.



U*i* Kud<sup>a</sup>-Mulla Malabaræis, *Mecastri*, *Doti Mogari* Bragmanibus, *Rosa Mogori* Lusitanis, *Mogori Rosen* Belgis dictus est, convolvuli more unde & convolvulus domesticus dicitur. *ramis* suis in longitudinem mirabilem protensis, rotundis, ligno medullaque virente, & pilis brevibus obsitis, vicina corpora amplectitur. *Folia* plana, glabra, crassiora, virore utraque parte nitentia subobscuris, in obtusum desinentia, costis viridi prædita eminentibus, pedunculis crassis, curtis, interius planis, ramis adhærent. *Flores* polypetali, candidi, flosculis hic illic intersparsis viridibus, ob gratissimum qualem & flores Mulla vulgo Mogari fundunt, avidissime expetuntur. Usus & cultura ac Nalla Mulla eadem est. Rabidi canis mortuus contrita & oleo frixa externe applicata folia sanant. Veneno serpentino radix cum calamo aromatico ex orizæ aqua decocta occurrit.

T A B. L I.

Planta hæc a proxime præcedenti nihil differt, nisi quod duplices sive plenos ferat flores.



*Pitsjegam-Müllä* Lat.

മലകുളി Mal.

Sai

சர

Bra.

بيجيا قالمولا Arab.





## PITSJEGAM - MULLA.

TAB. LII.



*Pitsjegam - Mulla*, Malabarenfibus, *Sai Brachmis*, Lusitanis Batavisque *Jasmin*, itidem convolvulus, ramis est paullo firmioribus & vitis modo luxuriantibus. *Folia* è contrario sibi positis furculis in singulare folium latiusculum exeuntibus, innitentia, habet ter gemina, ceteris minora, parum elongata, in cuspidem angustam deducta. Eorum superficies glabra & plana est, adversa vero facies, costa eminente & in plurimas subtiles diducta venulas, dotatur. Sapor amarus, color è viriditentior. *Flores* septem octove è calyce quinquies inciso, in cacumine furculorum prorumpunt quinis constantes petalis ex angusto patulis, nonnunquam ad oras purpurascentibus. *Gemmæ* oblongæ è purpureo albicanteque colore rubent. Inter *Stamina* bina, pusilla, albidula, flavescensibus ornata capitulis, stylus candidus oblongo apice albo erigitur. Odore fragrantissimo omnibus præstat speciebus. *Arenarum* amans in sylvis ad *Ambala catti* non modo sed in hortis frequens est, semper folia habet uti & flores. Cortex cum foliis ex oleo butyroque coctus donec in his unguenti crassitudo fiat, ulceribus & abscessibus phagedænicis medetur.

TAB. LII.

*Pitsjegam - mulla* est *Jasminum humilissimum flore magno* Bauhi. Pin. L. x. Sect. 11. vulgo *Jasminum Catalonicum* dictum: plurimum est in Hispania & Italia, aliisque regionibus, è quibus ad nos tranvehitur atque ex iis oleum jasmini conficitur.

*Nati-Pitsjegam-Mulla* Lat.

കുളിപ്പിടം Mal.

Rina-Sai

नान्जडा Bru.

قحطان پيچاقام Arab.





## CATU PITSJEGAM-MULLA.

TAB. LIII.



*Catu Pitsjegam-Mulla* Malabarenfibus, *Nara Sai* Brachimis, *Iasmin damato* Lusitanis, *Wilde Iasmin* Belgis nuncupatus frutex, *Mulla* species & similis *Nalla-Mulla* est, furculis solummodo languido virore in fuscum vergentibus. *Folia* dissimili magnitudine ac figura modo oblongiora, sine cuspidetamen, modo latiora contrariis inter se semper pediculis opposita sunt, ante alia virore obscuro nitentia, sapore amara. *Flores*, septem, decem, imo nonnumquam undecim petalis è longe aculeatis, præ ceteris quoque angustioribus, in orbem expansis, è calyce virenti, senis incisuris distincto, candidissimi, quamvis in oris clementer rufescentes, paulo latiores quam *Tsjeregam-mulla*, prodeunt. Præter stamina duo colore ad virorem inclinato, oblongis, croceis, planis, apicibus prædita, stylus intermedius albicans, elongato, viridi & crassiusculo ornatus capitello è gemmula, quæ huic flori conica & rufescens est, affurgit: odor jucundissimus. Arenoso crescit solo ad *Cranganoor* & *Catoer* aliisque locis pluribus. Sempiterna viret coma. Floret mense Junio Julioque. Usus, si oleum quod excoquitur, excipias habet nullum.

TAB. LIII.

Silvestre genus jasmini Malabarici est hætenus non descriptum; conveniens in quibusdam cum *jasmino* vulgari flore albo Bauh. Pin.

Katu-Tsjiregam-Mulla

കട്ടിമുളകു പ *Mal.*

*Visum-Megeri*

वीस मोरानी *Bra.*

قحاطف جيره غا مولغ *Arab.*





## KATU TSJIREGAM-MULLA.


TAB. LIV.



Rbuscula *Katu Tsjiregam-mulla* Malabaræis, *Saio* Brachmanibus, *Mogaro da Serra* Lusitanis, *Bergmogari* Belgis quæ audit, caulis est subvirescentis & lignosi. Folia situm & figuram eandem ac *Tsjiregam-mulla* habent. Flores iidem candidissimi, inodori equidem, septem, octo, strictis, protentis, aculeatisque petalis, ex perianthio angustiori & in summitate complanato, plures numero furculorum cacuminibus innituntur, quod in *Tsjiregam-mulla* secus sese habet. Fructus iidem ut *Tsjiregam-mulla* sed majores. Loca amat aspera & saxosa montanaque. In *Cran-ganoor*, *Coilan*, plurima est: omnibus horis florifera simul & frondosa. Hujus folia ex oleo cocta oculorum tollunt vitia. Radix vero cum calamo exhibita aromatico optime cujusvis serpentis moribus medetur.

TAB. LIV.

Hocce jasminum inodorum, eaque propter genus sylvestris Jasmini est.



*Tsjiregamì-Mullà* Lat.  
 മിനക്കുളി Mal.

*Castoori-Mogorì*

कासकुरमाणि Bra.

جبرائيل Arab.





## TSJIREGAM-MULLA.

TAB. LV.



**Q**ui *Tsjiregam-Mulla* apud Malabarenſes, *Caſtoeri-Mogari* Brachmannes, *Bare Mogari* Luſitanos, *Groot Jaſmin* apud Belgas vocatur frutex, eſt hominis adæquans altitudinem, rotundos, duriolos, geniculatos latiffime diſpargens furculos, qui novelli minutiffimis pilis obteguntur. *Folia* è viridi nitentia, glabra, lænia, coſtâ in ſuperiore foliorum parte uti *Nulla-mulla* ſtriata, gemina, ſibi-que è contrario immediate oppoſita in geniculis proveniunt: ſuntque oblongiora; antèrius in anguſtum contracta, in cuſpidem longiorem deducta, in oris criſpata, ad petiolum vero ſtrictiora. Sapor amarus ipſis, odor nullus. *Flores* ex albi di numero ternario aut quinario, è calyce ſex plus minus incifuris diſtincto, protuberantes, ſex, ſeptem, quin imo octo conſtant ſæpe petalis anguſtis, tenuibus, extrorſum in oris valde criſpatis. Stamina duo breviora ſtylusque eodem ac in præcedentibus ſeſe habent modo. *Fructus* inſidentes calici, ceraſorum minorum modo glabri, nigricantes, pellicula tenui, carne molli è rubro nigra ac ſubdulci conſtantes, ſemen rotundum ex albo internigrans & piloſum continent: ob jucundiſſimum & ſuaviſſimum odorem florum, è quibus mulieres coronas ſibi conficiunt, in hortis colitur, numquam flores aut folia dimit- tens. Ceterum folia oleo incocta baſamum fundunt, ſi capiti inungatur, oculorum quævis tollens vitia, & viſum corroborans: horum pulvis cum croco ac pinguedine cuti illitus pruriginem ejus demit; ex radice ad peculiarem uſum exprimitur oleum.

TAB. LV.

Fragrans hoc Jaſminum in hunc uſque diem incognitum genus eſt.

Pars VI.

Bbb

KATU-

*Katu-Mullà* Lat.

കടമുള Mal.

*Visa-Mogari*

वीसमोगरी Bra.

فخاطو مولاء Arab.





## K A T U . M U L L A .

TAB. LVI.



Rbuscula *Katu-Mulla* Malabarenfibus, *Visa Mogari* Brachmis, *Mogari Falso* Lusitanis, *Bastaard Mogori* denominata Belgis, hominis vix excedit altitudinem! *Rami* duri vetustiores è rubicundo fusci sunt. *Radix* capillaris, rubra, in latum spatatur. *Folia* longiora, antè stricta, in cuspidem exeuntia, densa, glabra, supinâ parte è fusco nitentia, pronâ candida, venâ recta in parte eminente. Saporis sylvestris, odoris nullius. *Flores* albissimi quinque, uno è latere rotundis, crassiusculis extrorsum reflexis constantes petalis, è calice satis arcto quinque incise emergentes *Tsjiregam-mulla* proximi sunt : una cum duobus exilibus capitatisque staminibus subalbidus, è capitulo fructus primordium constituyente, prodit stylus bifidus in summitate leviter rufescens. Fructus *Tsjiregam-mulla* possent videri. Locis gaudet arenosis, & provenit in *Oediampere* & *Ansjecaimal*; sempiterna fronde, Quintili autem Sextilique mensibus floribus exornatur. Succus foliorum olei intervit coctioni, & præterea nullum præstat usum; facultates seu mavis vires, plane sunt incognitæ.

TAB. LVI.

Vel ipsum nomen indicat esse genus jalmini sylvestris Malabarici. Notandumque est omnia hæcce jasmīnorum genera debere referri ad frutices bacciferos, quod & fructūs icones satis superque testantur.



*Badikka* Lat.

ରାଂ ମାଂ Mal.

*Rana-Mandaru*

ବାନିମେଢ଼ Bra.

روانمده Arab.



## B A D U K K A.

## TAB. LVII.



Uam *Badukka* Malabareses, *Rana-Mandaru* Brachmanes, *Tabal* Lusitani, Belgæ *Quetblom* nuncupant, arbuscula caudice brachium crasso, in hominis plus minus adolescit altitudinem. *Folia* aculeata, spissa, mollia, è virore satura, eminente ab adverso costa, sapore sylvestri sunt, alternatim brevibus pediculis, ramis in hærentia. *Flores* è calyce rigidior quadrifariam diviso, albi, bininternive, aliquando singuli brevibus è viridi fuscis pedunculis in foliaceorum ramusculorum summitatibus insistentes, quatuor constant petalis, quorum bina digitum minorem longa, ab infima parte in latum, ubi divisuræ frequentiores, excrecentia, tenuia admodum, utrimque mollissimâ obducta lanugine, venulis striata, leviterque erecta sunt; bina vero ex angusto latiora è cœruleo alba opponuntur. Stamina vero plurima in cœruleum vergentia, superne albis, inferne cinereis exornata apicibus, comitantur stylo longiore crassiorique, magis cœruleo, in conum desinenti. Arenarum amans in *Chanotti* & *Badoos* vulgarissima, atque ob florum elegantiam culta, domestica est, florens mense Januario, plane equidem, testibus indigenis, sterilis, sed semper frondens. Foliorum succus apri-næ admixtus axungia linimentum antiarthriticum, decocta vero cum floribus folia, potum alvum purgatione sollicitantem præstant, cujus exceptus vapor oris mundificat ulcera. Ipsi denique fructus cum lacte assumpti venerem extinguunt.

Mal.  
Solda Port.  
Siri-Pada Bra.  
سولدا عرب.





## S O L D A.

## TAB. LVIII.



*S*olda Malabaræis, *Siri Pada* Brachmis, *Fula do Mao* Lusitanis, *Dodoren* Belgis nominata arbuscula ramis est spadiceis. *Folia* è lato in cuspidem exeuntia, supinâ in parte summe virentia, nientiaque, inprona è cinereo rufa, è spadiceis enascuntur pediculis, costâ subtus solummodo eminente, multasque divisâ in venas, intertexta. *Florum* quina petala, oblonga, crassa, carnosâ, intus glabra, albidula, postremo in flavum vergentia, exterius villosa, è spadiceo rubella sunt; ex albo flavescens, oblongior crassiorque stylus in medio turgidus, ubi multa eum circumvestiunt purpurea stamina, in spadiceum excurrit caput. Solum diligit arenaceum; florum quos mense profert Martio, medio stylo includitur semen perexiguum. In *cochin* ut plurimum reperitur, numquam dimittens folia; quæ ap posita testiculis eorum dissipant tumores, pulverifata medentur enteroceli.

## TAB. LVII. LVIII.

*Baddukka* & *Solda* ambæ genera capparum sunt, fructus colligendos gallinæci ovi magnitudine, & semen  
 & videntur earum quas Bellonius monet capparum non  
*spinosas*, & capparum Arabicarum fructu ovi magnitudine  
 intus continentes piperis instar calidum. Capparum juglandibus  
 semine piperis instar, vocari. Ipsa autem Bellonii verba  
 magnitudine non cedunt. Capparum autem Arbore-  
 ba ex Observat. Cap. LX. huc transcripimus. Per  
 scentium meminit Alpinus de Plant. Ægypt. c. 42.  
 qui ab istis *Sumeg* vocari addit. In Arabia quoque ar-  
 borescit.  
 colles oberrantes Capparum invenimus, pumilorum siccum al-  
 titudinem æquantem, ut nobis conscendendæ fuerint ad earum

Dom George Port.

Sida Pou Mal

سبب قو Arab.





## S I D A - P O U.

## TAB. LIX.



Rboris quæ apud Malabarenfes *Sida-Pou* & *Puspajano*, Brachmanes *Deswenda* & *Dixadousti*, Lusitanos, *Don George* Belgas *Sinken* nominatur, *Rami* ligno albicante, medulla viridi, cortice fusco obducti sunt. *Folia* acuminata, spissa, solida, glabra, è viridi umbroso superne nitentia, inferne furda, costâ albula, venisque subtilissimis supina in parte conspicuis intermixta, crassis è contrariis inter se pedunculis, gemina, ramis inhærescunt, *Flores* numero plures è calyce quinquiespartito, in petiolis communibus provenientes, textura, & aspectu gratissimi, odore amœnissimi, quinquelatioribus, anteriore in parte innumera in filamenta divisis, quorum unum luteum quatuor alia candidissima transversum quasi obtegit, constant foliolis, staminibus vero denis, candidis, crassioribus, surrectis, croceis capitibus, stylo medium occupante viridi, eminentiori, leviterque inflexo. Floribus deciduis tres gemmulæ virides, altæ, quæ introrsum folio sunt erecto, conspiciuntur. Prorsus tamen habetur sterilis, quamvis quidam in senectute fructiferam prædicent. Floret mense Maio, Junio, Julioque. Petrosi, glareosi delectantur locis, quapropter in montibus *Paracaro*, *Mangetti*, & *Panpani* visitur. Rarissima, ob florum elegantiam odorisque jucunditatem in summo honore est. Nullum mechanicum nec medicum habet usum.

*Tsjude-Maram* Lat.

എറകുഴു. Mal

جُبُوصَة عَرَبِيَّة Arab





## TSJUDE-MARAM.

TAB. LX.



*Sjude - Maram* Malabarenfibus, *Parangiato & Porvatti-pou* Brachmis, *Folhas du cobra* *Bibora* *Lutitanis*, *Maagdenlot* Belgis vocitatus frutex humilor, ramis est geniculatis, cortice, candido, teneriori, ligno pauxillo medulla succulenta è viridi diluto, in internodium ima parte quodammodo turgescens. *Folia* ex angusto in cuspidem exeuntia, plana, glabra, crassiola, costa striata utrimque eminente, è virore cum teneriora sunt nitentia, dein obfusca, colore variegata flavescente, ubi vetustiora, in album vergentia, ordine geminato costis crassis, interius planis & candidis, aliquando rubescentibus ramis adhærent; saporis sunt non plane ingrati. *Flores* tetrapetali in exortu in sanguineum vergunt colorem, unum eorum petalum retro incurvatum, interius cochlearis cavitatem exhibens, superne bifidum est, costa intermedia eminente, ceterorum trium è longo angustorum in transversum jacentium duo quæ ad latus sita sunt, magis coarctantur. Inter stamina duo apicibus oblongis, rubris, striatis capitata, stylus procerior observatur. *Arenarum* amans, oriundus ex *China & Manilhas* in Malabaricum in vectus regnum est. Perennis in hortis colitur; vires ignorantur.



*Tsjera-Marami* Loe.  
മല ൪൪൦. Mal.  
جهر مضام Arab.



## T S E R E - M A R A M.

TAB. LXI.



*Sjere-maram* Malabarenfibus, *Quelastro* Brachmanibus, *Folhas da china* Lufitanis, Belgis *Meerling* dicti fruticis ramus corticis rufi diluti flavescentis, parumque albentis est. *Radix* albicans, densa fibrofaque. *Folia* plane, ut in *Tsjude maram* sese habent, excepto quod longe sint angustiora, magisque flavescentia, & ordine confuso prodeuntia. *Floribus* simul ac fructibus destituitur. Allatum è China Malabarenfes in hortis colunt. Virium plane est ignotarum.



# INDEX.

<b>A</b>	In-Pariti. Alpam.	pag. 73	Mouringou.	19
		51	N.	
	<b>B.</b>		Nagam.	37
Badukka.		101	Nalla-Mulla.	87
Ban-karetti.		35	Narinam-Poulli.	75
Beloere.		77	Niir-Pongelion.	53
Belluta-Amelpodi		83	Noel-valli, & Pannivalli.	39
	<b>H.</b>		P.	
Hina-Pareti.		69	Padri.	47
	<b>I.</b>		Pee-Kandel.	61
Intsia.		7	Perin-Courigil.	43
Isora-Murri.		55	Pitsjegam-Mulla.	91
	<b>K.</b>		Plafo.	29
Kada-Kandel.		67	Pongam, seu Minari.	5
Kaka-Mulla, vel Kaka-Moullou.		33	Pongelion, five Perimaram	27
Kandel.		57	Pou-Kandel.	65
Kal-todda vaddi.		15	S.	
Karii-Kandel, seu Kanil-Kandel		59	Sida-pou.	105
Karin-Njoti.		31	Sjouanna-Amelpodi.	81
Karin Tagera.		45	Solda.	103
Katu-Beloeren.		79	T.	
Katou-Conna.		21	Thora-Paërou.	23
Katu-Mulla.		99	Tsjetti-Mandarum.	1
Katu Pitsjegam Mulla.		93	Tsja-pangam.	3
Katou-Pul-Colli.		41	Tsjerou-Kandel.	63
Katu- Tsjiregam-Mulla.		95	Tsjere-Maram.	109
Kedangu.		49	Tsjerii-Mulla.	85
Kudda-Mulla.		89	Tsjiregam-Mulla.	97
	<b>M.</b>		Tsjude-Maram.	107
			W.	
Mandsjadi.		25	Waga.	9
Moullava.		11	Wellia Tagera.	17
Mouricou'		13		

E R R A T A.

pag. 9. lin. 24. lege niveo. p. 11. l. 13. filaceorum. p. 20. l. 4. more. p. 21. l. 12. expertes. p. 41. l. 8. angusta. p. 44. l. 2. tumores. pag. 57. 2. & 4. Kandel. p. 73. l. 17 earum. pag. 85 l. 2. & 4. Tsjerii-Mulla. pag. 93. lin. 3. & 4 lege Katu Pitsjegam Mulla. p. 101. l. 8. bini ternive.